

Jon

¹ Fun lo mok Anut mel fidian ta idiri na dugo, Ru in yen la ya. In Anut da dumado ya, agod Ru mi in sen Anut. ²⁻³ In Anut ida dumadog, in lo mel fidian dilasag dien da. Ta in dal sen ta lo ilasa man tia geig a. ⁴ In lo kumaen yen da, an lo mel fidian kumaen diñane ya, agod kumaen an tamolpein lo lilaman igane ilasa da. ⁵ Lilaman an tidom tubun lo ided da, agod tidom tubun an lilaman ituani san tia ya.

⁶⁻⁷ Aria, Anut tamol ta iganeg imug ilasa ya. In yañan Jon dubol da. In ipalug, lilaman san ru fun an tamolpein fidian ikubiai ipidinaip, duloñ pe, ilod lo rumok san. ⁸ Ak man Jon in sen lilaman amaiak tia ya. In lilaman an niñen ru an ibol ilasa dop duloñ o ipalu ya. ⁹ Lilaman a lilaman mok an, tan na idup tamolpein fidian lilaman ipidinai o ipalu ya.

¹⁰ In lo mel fidian dilasa ya, agod in tan en lo kuai isig imado la yak bo man, tamolpein diñaon geig a. ¹¹ In sinanen tan lo ipalu ya, ago gug muroun muroun an in diñane man dumoi. ¹² Ak man tamolpein a in diñane yan, agod in yañan tubun ak ilod lo rumok an fidian, Anut nanun dilasa san dabai in ipidinai a. ¹³ In tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa man tia ya. Tia, Anut sen iginiaig, in anen nanun muroun dilasa ya. ¹⁴ Ru an tamol nuñon ilasag kuai isi a. Agog in mañ luluñama lo ida mumado na ya. Rumok, Bai Anut

injanen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek in ru rumok da in tinin injanefute ya.

¹⁵ Aria, Jon malak malak in ninen o igo ibol iwagin, “Tamol emaiak ninen o nai nurupaian go alon na ya. Tamol a nai patug fo ipalu dan, nai irinagan dugo naisag malan te yak imado da. Man ata wo, wagam mi nai ta nilasa na yan in imado la ya.” ¹⁶ Insan ilo munanek tubun mok in lo awan isa ya, an lo binawek wei mi an injanen banin dibiseig id fidian tinane na ya. ¹⁷ Man dugo, Anut id Moses banin lo kubiaen ipanad a, gug ilo panek in ru rumok da man, Jesus Kristus lo mi ipanad a. ¹⁸ Tamol ta Anut kitek ile man tia geig a. Gug Anut a kisaek o lian an, Taman giranen na imado na ya, in tan na ipalug Taman ikubiai panad go talon a.

Jon Suguek san, ru kuai te ifulale ya

Mat 3:1-12; Mak 1:1-8; Luk 3:1-18

¹⁹ Jon ru e Jesus ninen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun dulon o dusumianig dubol, “On enti i?” ²⁰ Agog Jon ru kuai tem irupidaig dulon a, in enti mok an ta itot na ya. In igo ibol, “Nai man Kristus tia ya.” ²¹ Ago tag in dusumianig dubol, “Ak on enti i? On dag profet Elaija wagam na yak fon palu boi?” Ak man in ibol, “Man tia.” An ninen o in fon dusumiani, “On dag profet a Anut ninen o ibol amaiak boi?” Gug in ibol, “Tia ya.” ²² An ninen o in dusumiani, “Ago tap, ubol pe malon, on enti mok i? Man tamol didinamag mupalu yan ata ru ta murupidaip dulon

ak i? On onse niñe wo dugo ubol dak i?” ²³ Ago gug Jon profet Aisaia awan aban injaneg igo ibol, “Nai man tamol ta aben kawan ak ate iwagin emaiak san awan njsiaig njuwagin da, ‘Tubun en injanen dal akubune apani!’ ”

²⁴ Farisi adi lulunad lo tamol aenta imug didinaig dupalu dugo, tamolpein dida dutur a. ²⁵ In dam Jon dusumianig dubol, “On Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidinai dak i?” ²⁶ Jon awad yabig igo ibol, “Nai tamolpein you lo mi nusuguai da. Gug tamol ta an lulunam lo itor dak an ta alon na da. ²⁷ Tamol an in nai patug fo ipalu da, gug in nai irinjanag a. Nai seg iliag dak man, nai in san sendal nupasi san ta idaisuda na ya.” ²⁸ Saen an lo Jon panu Betani na imado dugo, you Jordan aen ate injanen suguek urat igane se ya. Panu ante kulob an fidian ilasa ya.

Jesus man Anut san Sipsip Nanun

²⁹ Agog dien dumasag nal tinin te yan, Jesus imasag Jon san na ipalu dugo, Jon malan yang ile, agog ibol, “Ale dak, an Anut san sipsip nanun ipalu da. In ipalu dan lo, tan en san tamolpein sad kagin saiak fidian iragali pidinai a. ³⁰ Nai gubak mi tamol nek amaiak niñen o nabol a. ‘Tamol ta in nai patug fo ipalu dan in nai irinjanag go naisag tamol malan te yak imado da. Man ata wo, wagam mi nai ta njilasa na yan in imado la ya.’ ³¹ Naiseg man gubak mi in tamol dugo yan ta nalon na ya. Ago yak man nai nupalug, tamol amaiak Isrel tamolpein nukubiai pidinaip dile dulon o, you nam nusuguai se ya.”

³² Agog Jon mel a ile yan ninjen igo ibol, “Nai Urgun kumaen panu ibiseig idu dugo nile ya. Inſan leil man nek ibol muluk oŋ idug Jesus gumuran fo imado dugo nile ya. ³³ Naiseg man imug in tamol dugo yan ta naloŋ na ya. Gug Anut enti tamolpein you nam nſuguai o idinag go nupalu yan, inſen irupaiag go ibol, ‘Oŋ Urgun ule dop idup, tamol ta tinin fo imado wa. Tamol nek an in tamolpein Urgun lo isuguai a.’ ³⁴ Nai nile naloŋ la ya, an lo nai in ninjen o ru nabol ilasa da, tamol en in Anut Nanun mok a.”

Jesus megeloum malan malan injal a

Mat 4:18-22; Mak 1:16-20; Luk 5:2-11

³⁵⁻³⁶ Nal tinin te yan lo, Jon san megeloum uraru in dida dutur dugo malad yaug, Jesus yau dugo dile. Jon Jesus ile tag megeloum irupudai, “Ale dak, on Anut san sipsip nanun, tamolpein ibinawai o ipalu ya.” ³⁷ Megeloum uraru an ru ago duloŋ tag, diaug, Jesus nien aban diri se ya. ³⁸ Agog Jesus idanſag, uraru an yil tag irupudai, “An ata mel o aban abi di?” Agog uraru an awan diabig dubol, “Rabbi (en fun man girek manau) oŋ ab dugon te mado di?” ³⁹ Agog Jesus awad yabig ibol, “An apalup ale.” Ago tag in dida diaug, ab a ate imado dan dile ya. Nal an gurai idu ya, ago tag in dida atna dumado yaug tidom idu ya.

⁴⁰ Megeloum uraru Jon awan duloŋ go Jesus da diau an, neinta yan an Andru, Saimon tein. ⁴¹ In Jesus ibiseig ririan yaug tein Saimon abanan yabig, ileg irupe, “Man Mesias mile la ya.” (Yanak Mesias fun man Kristus.) ⁴² Agog tein Saimon inaneg, ida dumul Jesus san na dupalu. Jesus malan ti ibol

Saimon ileg irupeï, “On Saimon, Jon nanun. Gamu n̄ai on yaŋa sen ta Sifas n̄upate da.” (Grik ru lo Sifas fun man Pita dubol da, an “pat” igo won a.)

Jesus Filip in Nataniel da isu a

⁴³ Dien dumasag, Jesus distrik Galili na yau o ilo sou igane ya. In Filip ileg irupeï, “On n̄ai da tau a.” ⁴⁴ Filip in panu Betsaida dubol dan san tamol, an in Andru Pita da sad panu kisaek a. ⁴⁵ Filip Nataniel aban̄an yabig ileg irupeï, “Man tamol a Moses in profet dida ninen o dubol dugo, girek lo digire emaiak mile la ya. In Nasaret tamol, yaŋan Jesus, Josef nanun.” ⁴⁶ Agog Nataniel ibol, “Mel uyan ak ta Nasaret na ka ilasa wak i?” Gug Filip ibol, “Onse palup ule.”

⁴⁷ Agog diau dugo, Jesus Nataniel in̄san na ipalu dugo ile tag, in ninen o igo ibol, “Ale, an Isrel tamol mok. In ilon lo kagin sewak ak ta yen man tia geig a.” ⁴⁸ Ago tag Nataniel isumianig ibol, “On dugudo won n̄ai fug ulon i?” Agog Jesus awan yabig igo ibol, “Filip on gamugo igio dugo, onse gurab dabin fo mado dugo n̄ilio ya.” ⁴⁹ Ago tag Nataniel irupeï, “Girek Man̄au, on Anut Nanun mok a, on Isrel sad Kin̄.”

⁵⁰ Agog Jesus ibol, “Nai on gurab dabin fo mado dugo, n̄ilio n̄abol an ninen o on ilo lo rumok i? Ulon ak, murnap on mel tubun geig ak mel en irin̄ani an ule ulon a.” ⁵¹ Jesus fon irupudai, “Nai rumok nunon mi n̄urupaian̄ da. Murna dop Anut kumaen panu awan ipasip, an malam yaup, Anut san en̄el adi Tamol Nanun san na dusuda dudu dop eil a.”

2

Jesus you ibileksag wain ilasa ya

¹⁻² Nal uraru yau gug, panu Kana Galili distrik lo ante nug n̄anek san soubul digane. Jesus tinan ab an lo imado dugo, Jesus san megeloum dadi digiaig dupalug, nug n̄anek san soubul an lo dumado ya. ³ Nug n̄anek san soubul an diani diluk yaug you wain itout. Ago tag Jesus tinan imasag nanun irupeig ibol, “In̄sad you wain itout a.”

⁴ Ago tag Jesus tinan irupeig ibol, “Nei, ata wo oŋsa tini ganei n̄ai lo gane dak i? N̄aisag saen gamugo da.” ⁵ Aria, tinan yaug urat pinein irupudai, “Urat biabi fidian irupaian̄ dop, awan ari apani.” ⁶ Ab an lo bod tubun tubun ak 6 dutur dan ate you disirip, Juda sad kagin lo mi n̄ied banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da. ⁷ Aria, Jesus urat pinein sad na yaug irupudai, “Bod an ate you asiri idup awad isa wa.” Ago tag in̄ ibol ak atem ago digane ya. ⁸ Agog Jesus irupudaig ibol, “You an ta awalip asini aup, soubul san gurman apani.” Ago tag in̄ you an disinig diaug dupani a.

⁹⁻¹⁰ Agog soubul gurman an you a ibileksag wain mok ilasa yan iluk ile ya. Ak man kulob an fun ta ilon̄ na ya. Urat pinein a you disiri an in̄ dulon̄ ak man ta durupeil on̄ na ya. An niŋen tamol an nug n̄anek san pinein an iwagig ipalug irupeil, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinai diluk da. Dugodog

on ago ta gane na i? On wain uyan ak ilo isig yen gug gamu sini palu ya.”

¹¹ Kulob girager en Jesus san urat malan malan Galili distrik lo Kana panu na igane ilasa ya. An lo inŝan yanak tubun ak san dabai in lo yen dan kuai isig, inŝan megeloum dileg, in o ilod lo rumok a. ¹² Soubul an itout gug Jesus imasag, tinan, tein muroun, inŝan megeloum isug, dida panu Kaperniam na dudug, ante kitek dida dumado ya.

Jesus Tempel lo yau a

Mat 21:12-13; Mak 11:15-17; Luk 19:45-46

¹³ Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a. ¹⁴ In yang tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a. ¹⁵ Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a. ¹⁶ Ago gug tamol anakanak didad se yan irupudai, “Ananem mel en fidian asup alasa. An naineg Bai san ab en ananep daden aben igo ta agane na wa.”

¹⁷ An ninen o inanen megeloum ru ta Anut san buk lo digireg yen dak ilod isou. Ru an igo ibol, “Nai onane ab ilog nupani mok da, an ninen o nai ilog saian dugo bubeg wananan geig da, an lo kankan an nai ilog yabi sakar dugo iduduweg da.”

¹⁸ Jesus ago igane dugo Juda gurman dileg, du-moi go dubol, “On ata kulob girager ta ganep man

milep malon ak, on en so dabai ta lo igo gane dak i?" ¹⁹ Ago tag Jesus awad yabig igo ibol, "Nai ubou ab en ntitale gup, nal utol lo mi fon nususe da wa." ²⁰ Agog Juda adi Jesus durupei, "Ab en anajar 46 lo diabig itout a. Gug gamu on en nal utol lo mi wabisa da wo ubol dak i?" ²¹ Ak man Jesus ubou ab ninen ibol an, fun man insen tinin ninen o ibol a. ²² Ago yak ninen o saen Anut Jesus maten lo ifufunig fon kumaen imasa yan lo, inanen megeloum dileg ru a wagam mi Jesus insen ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

²³ Jesus tumanek tubun Pasova dubol dan san saen lo, Jerusalem na imado dugo, doup tubun an inanen kulob girager igane yan dile tag, in o ilod lo rumok a. ²⁴ Ak man Jesus insen inanen tini ganei tamolpein an lo ta igane na ya, man dugo, in tamolpein an fidian ilod ilon fufei a. ²⁵ Tamol ta kankan naok dugo yak a tamolpein bubed lo yen dan ninen, Jesus ilon o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilon pasik a.

3

Jesus Nikodemus ida dininen a

¹ Farisi sad tamol tubun ak ta yanjan Nikodemus. In Juda adi sad gurman ta, agod Juda sad kaunsil malan te yak lo yanjan yen da. ² Tamol an tidom ta lo Jesus san na yaug, irupei, "Girek Manau, man malon ak Anut on idinog mansama na girek manau igo palu ya. Man dugo, tamol enti a Anut ida dumado dan mi, kulob tubun tubun a on gane dan

in̄ ka igane wa. In̄ Anut san tia dop man, urat a gane dan igane san tia ya.”

³ Jesus awan yabig ibol, “N̄ai rumok nūon mi n̄urupaio da. Isop tamol ta foun ta ilasa na tap, Anut san kagin panek aben ile san tia geig a.” ⁴ Ago tag Nikodemus awan yabig ibol, “Dugo wōn pe tamol in̄ tinin tamol igane la yak afon foun ilasa da wak i? Nag fon tinan tin̄aen lo ka iladup, nanuk ibol wōn tinan igansi wak i?”

⁵ Jesus ru naon irupeig ibol, “N̄ai rumok n̄urupaio da. Isop tamol ta you in̄ Urgun da lo kumaen foun ak ta in̄ane na tap, Anut san kumaen panu ilon lo ta iladu na wa. ⁶ Mel tinik lo ilasa mān tinik san mel mi a, nek ago mi, mel a Urgun igane ilasa dan in̄ ur san mel a. ⁷ Gug ōn foun lasa wō n̄abol dan nīnen o ōn masa saian umoi. ⁸ Tim man in̄sen in̄anen ilon ibol ak lo yau imul da. Ago dop tim an lilīnan mi ulon da. Gug in̄ dugon te ipalug dugon te yau dan, ōn ta ulon na ya. Tamol a Urgun iganep, foun ilasa dan nek ago mi a.”

⁹ Nikodemus isumianig ibol, “En dugo wōn mok ilasa wak i?” ¹⁰ Agog Jesus awan yabig ibol, “Ōn man Isrel lulūnad lo in̄sad girek mānau mado ya, ago gug, ata wō mel an fun ta ulon na ubol di? ¹¹ Rumok nūon mi n̄urupaio da. Mān mel a malon an nīnen o mi ru mabol da, agod mān mel a mānsema malama nam mile yan mi tamolpein naod na mabol ilasa da, ago bo man ān tamolpein mānanema ru ānane wan amoi da. ¹² N̄ai tan san kagin nīnen o imug mi n̄urupaian̄ a, ak gug ān ilom lo ta rumok na ya. An nīnen o, dugo, n̄ai fon kumaen panu san melmel an nīnedi wō n̄urupaian̄ dop man, an dugo wōn pe ān ilom lo rumok ak

i? Man tia geig a. ¹³ Tan en san tamol ta kumaen panu lo iladu man tia ya. Tamol Nanun in mi aben an lo iladu ya. Man dugo, inanen fun panu man tan en san tia ya, tia, gubak mi in Anut da dumado gug, kumaen panu ibiseig idug tan na ilasa ya. ¹⁴⁻¹⁵ Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak ninen o Moses ai igunig, mot mitilaen ta yabisag isunani a. Talpein mot mitilaen ile dan, imat san tia ya, tia, kumaen imado ya. Nek ago mi Tamol Nanun diabisap dusunani wa. An ninen o tamolpein a fidian najai o ilod lo rumok dan, in kumaen pempem san dinane wa.

¹⁶ “Anut in tan en san tamolpein ninedi wo imat, an ninen o inanen Nanun kisaek o lian an ipanad a. An lo tamolpein in o ilod lo rumok tap, ta dideg diau na wa. Tia, in kumaen pempem yen san dinane wa. ¹⁷ Man dugo, Anut inanen Nanun tan na iganeg ipalu yan, in tamolpein bitinaek lo idiraip naon muruan ipidinai wo ta ipalu na ya. Man tia. In ipalu yan lo tamolpein patud ipasi dop, pitininek aben lo ta diau na wa. ¹⁸ Enti in o ilon lo rumok dop man, Bitinaek Tamol in muruan ta ipani na wa. Gug enti in o ilon lo rumok tia yan in ideg yau san dal lo imado la ya. Man ata wo, in Anut Nanun kisaek o lian an ninen o ilon lo ta rumok na ya. ¹⁹ Bitinaek Tamol yil saian man fun igo ya. Lilaman tan na idu la ya, ago gug tamolpein lilaman an patud dupani dugo, tidom tubun lo dumado wo dumat da. Man dugo, in kagin saiak saiak mi digane wo dumat da. ²⁰ Tamolpein kagin saiak digane dan in lilaman dumoi go san ager dumado da. In lilaman lo dupalu san dumoi, man

dugo, kabelan inaned kirem saian an kuai te ilasa banau. ²¹ Gug talpein a in kagin rumok ak igane dan in lilaman lo ipalu dop lo inſan urat uyan ak walal te ilasa wa. Ago dop tamolpein a talpein an leil dupani dan, in dile dulon ak, talpein an Anut san dabai lo inſan urat fidian igane da.”

Jon Suguek san in Jesus fun kuai ipani a

²² Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai. ²³ Ago dugo Jon dam sasau Aionon dubol dak ate, aben Salim sumeik an, ante imado dugo tamolpein inſan na dupalug you lo isuguai se ya. Man dugo, you kuror ak aben ante dien da. ²⁴ Saen an lo man gurman Herod in Jon subanek lo gamugo igane ya. ²⁵ Aria, Juda tamol ta ipalug, Jon san megeloum dida Juda sad you sugug kagin ninen o fun diganeg nug dupei. ²⁶ Ago tag Jon san megeloum diaug durupeig dubol, “Girek manau ule, tamol a gubak mi on in da you Jordan aen ate amado dugo, in ninen o ru fulale amaiak, in tamolpein suguek ipidinai dugo fidian inſan na mi diau da.”

²⁷ Agog Jon ru naon igo irupidai, “Uyan, talpein ta inſinan dabai lo mel ta inane san tia ya. Tia, in binawek Anut kumaen panu lo iganeg idu an mi ka inane wa. ²⁸ Ansem gubak mi nai ru kuai te nabol ilasa dugo alon la ya. Nai Kristus tia ya. Ago yak man nai Anut sen idinag go Kristus naon na nanug npalu ya. ²⁹ Tamol ta in pein da nug dinane tap, pein an tamol an san. Go tamol sen ak turan an patun fo sumeik itur dan inſan turan an awan ilon,

an ninen o ilon uyanan geig a. Nai man Kristus san turan, tamolpein inſan na diau dan ɲeil dop, ilog uyanan geig da. ³⁰ Ago yak ninen o in ɲan tubun mi imasap yau dop, ɲai ɲanag ka idu wa.”

³¹ Tamol in lak nag idu yan in ɲan tubun geig a, mel fidian in paen na dumado da. Tan en san tamol man in tan en san ru mi ka ibol ilasa wa. Gug tamol a kumaen panu log idu yan man fidian irinani a. ³² In mel a fidian yil an, agod mel a fidian kududon ilon an dam, tamolpein naod na ibol ilasa da. Ak gug inſan ru tamolpein an fidian irinani yau on dugo, dulon o dumoi. ³³ Gug talpein enti ru an inaneɲ yabi sakar dan, kulob an lo ikubiai tile yak inſan ilo rumok igo ya, “Anut san ru an ru rumok.” ³⁴ Man dugo, Tamol a Anut idinid idu yan, in awan Anut san awan aban mi ininid da. Ata wo? Anut in Ur kabelan ka Tamol an ta ipani na da, tia, inſan Ur tubun mi in lo awan isa wa. ³⁵ Bai inanen Nanun o tubun mi imat go, mel fidian in banin lo idiri a. ³⁶ Ta in Anut nanun ilon lo rumok tap, in kumaen pempem yen san inane la ya. Gug in a Anut Nanun patun ipani dan, in kumaen pempem yen san ta ile na wa. Man ata wo? Anut san tinæ saiak in lo yen da.

4

Jesus Sameria pein ida dininid a

¹⁻³ Jesus tamolpein wei mi inſan na dupalug inanen megeloum dilasa gug isuguai a. Tamolpein a Jesus isuguai se yan san sutek man Jon san irinani a. (Jesus inſen tamolpein ta isuguai na ya. Tia, inanen megeloum mi urat an digane ya.) Farisi

adi Jesus dugo igane yan dulon, an ninen o ta in Jesus irupei ilon. Ago tag in Judea ibiseig fon imul Galili na yau o turen yabi a.

⁴ Dal an Sameria dumado dak titinjam idug yau a. ⁵ In yang Sameria sad panu ta, yanjan Sikar dubol dan ate ilasa ya. Aban an tubud baged Jakob nanun Josef tan ipani an siniren na sumeikan a.

⁶⁻⁸ Aria, Jesus turen yabig yau do nad ad titinjam mi an in urei ifuni gug, you gib an fun na ilasa ya. Gib an Jakob san you gib dubol da. In yaes ibal o imasig imado ya. Gug inanan megeloum man in anan didad o panu na diau la ya, agod Jesus mi in sen kisaek imado. Agog Sameria pein ta you gib an isiri wo idu nad Jesus ile ya. Jesus in you o imat saian tag, pein an irupei, “You kitek sirip panag naluk.”

⁹ Juda in Sameria da man nug lo siai dumado da, agod in nug san anan ta diani na da. An ninen o pein an imasa saian go irupei, “On ata wo nai on you nupanop, uluk o ubol di? On Juda, agod nai man Sameria.” ¹⁰ Jesus pein an ru naon irupeig ibol, “On talpein e, ‘you panag naluk’ ago ibol an, agod Anut san lou panek an dam ulon uyan ak man, on in sumiani dop, you kumaen san an ipanop uluk a.” ¹¹ Ago tag pein an Jesus irupei, “Tamol tubun en, on you kapen ama tia ya. Agod you gib en kuror kasik a. Ago yak ninen o you a kumaen san an on dugon te nane wak i? ¹² Idsad tubud baged Jakob in you gib en yabig man ipanama ya. In sen you en iluk na ya, inanan nanun muroun dam, makau, sipsip dam you en diluk na ya. Ak nag on in rinani ubol di?”

¹³ Ago tag Jesus pein en awan yabig ibol, “Ta in you en iluk tap, in fon you o imat da wa. ¹⁴ Gug ta in you a nai nupani wan iluk tap, in afon you o ta imat na wa. Rumok, you a nai nupani wan, in ilon lo pempem ibanai ilasa dop, kumaen pempem yen san ipani wa.” ¹⁵ Ago tag pein an ibol, “Tubun en, on you an nai panag. Agop nai fon you o namat dop, you nisiri wo ta nupalu na wa.”

¹⁶ Jesus awan yabig irupei, “On waup, onane iwo nane gup, fon ente ida apalu.” ¹⁷ Agog pein an ru naon irupeig ibol, “Nai iwog tia ya.” Ak man Jesus ibol, “On iwo tia ubol dan rumok a. ¹⁸ On wagam tamol faiv unal la ya. Gug gamu tamol a in on ida amado dan man in onsa iwo tia ya, an ninen onsa ru ubol an ru rumok geig a.”

¹⁹ Pein an ago ilon man, imasa saian go Jesus irupei, “O tamol tubun en, nai ilog isafulale ya. On Anut san profet. ²⁰ Dugudo, man tubum murouma in did en fo dutumanig, Anut ubou an dile na ya. Gug an Juda man Jerusalem na mi aup, ante Anut ubou an ale wo asue ti abol da.”

²¹ Ago tag Jesus irupei, “O pein, ru e nurupaio den ilo lo rumok pe wabi. Nal ta idu dop, ate Bai Anut san ubou leil an did en fo, agod Jerusalem lo dam, ta agane na wa. ²² An Sameria adi Anut a ninen o ubou ale dan ta alon uyan na ya. Gug man Juda man in malon uyanan a. Man ata wo? Anut tamolpein inal pe patu pasek ipidinai san dal man Juda sad dar lo ilasa ya. ²³ Gug nal ta idu wo yan gamu nek e ilasa la ya, ante man tamolpein ensauta a kagin nunon ak lo mi Anut san ubou an dile dan, Urgun lo, agod ru rumok ak da, in ninen o ubou dile wa. Man dugo, Anut ensauta a

ubou naok ago digane dan mi yil o abanad yabi da. ²⁴ Anut man in Ur a. Fun an ninen o, tamolpein ensauta a in kagin nunon ak lo mi ubou an dile dan man, in Urgan lo, agod ru rumok da, in san ubou an dile wa.”

²⁵ Ago tag pein an Jesus irupe, “Nai nalon ak, Mesias ipalu da. In id ibinawad san Anut ipiliani a. In ipalu gup, mel fidian kuai te igane ilasa dop tile talon a.” ²⁶ Agog Jesus pein an irupe, “An bo naiseg, nek e on da tinjen da.”

Jesus san megeloum dumul dupalu ya

²⁷ Jesus pein ida dinjen di dumado dugo in anen megeloum dupalug dilasa ya. Ago dile man in durut saian geig a. Gug in lulanad lo tamol ta kisaek Jesus isumianig, “On ata ipano wo ida anjen i?” tia, “On ata wo ida anjen i?” ago dubol man tia ya.

²⁸ Agog pein an you kapen igansig you fun na yen dugo, imul panu na yang tamolpein irupudai, ²⁹ “Apalup, tamol ta in nai kulob nigan na yan fug fidian ifulale idu pasik an ale. Dag in Kristus boi?” ³⁰ Ago tag fidian panu dubuseig, Jesus dile wo you fu na diau.

³¹ Agog Jesus san megeloum in durupe, “Tubun ak, on gidad nuai a.” ³² Gug in awad yabig ibol, “Nai anan sen ta amag da yak, an nani san an an ta alon na ya.” ³³ An ninen o in anen megeloum nug durupeig dubol, “Dag tamol ta anan isini ipalug ipanig yani la boi?”

³⁴ Gug Jesus irupidaig ibol, “Naisag anan man igo ya, nai Bai idinag go npalu yan in anen awan nuri nupanip, in anen urat niganep itout pasik a, an mi

ņaisag mel tubun a. ³⁵ An igo abol, ‘Kalam iwoiwo yau gup man anan ıbes idu wa.’ Gug ņai rumok ņurupaian da, malam yaup aban ale, an gıdad anan ale alubani. Nuņon tales san saen idaisudag yen da. ³⁶ Tamol in anan nuņon urat an igane dan, in naon uyanan inane wa. In tamolpein itumanaip, kumaen pempem yen san dinane wa. Urat an fun igane la ya. Ago dop tamol anan piapae san, nuņon iles san an ida sisem sed iyunanai a. ³⁷ Fun an lo, ru a tamolpein dininēn na yan nuņon ilasa ya, ‘Tamol ta kisaek anan ipae da, ak gug tamol sen ak anan iles da.’ ³⁸ Ȇai an abi a ante anan ta apae na yan lo, anan ales san urat agane wo Ȇidinan go au a. Tamolpein aenta abi an lo urat tubun mi digane la ya. An in sad silali naon anane ya.”

Sameria wei mi ilod lo rumok a

³⁹ Sameria panu an san tamolpein wei mi in pein an san ru dulon go, Jesus lo ilod rumok a. Man dugo, pein an ibol, “Ȇai gubak mi kagin dugo Ȇigane na yan fidian irupaiag a.” ⁴⁰ An lo saen Sameria adi Jesus san na dupalu dugo, in kitek dida dumado wo dusumiani a. Ago tag nal uraru ante dida dumado ya. ⁴¹ Gug gamu tamolpein nen wei geig in Jesus sen awan lo ru dulon ak ninēn o ilod lo rumok a.

⁴² In fidian mi pein an durupeı, “Gamu en man onsa ru mi malon ak o iloma lo ta rumok na ya. Tia, mansema Jesus sen awan lo ru malon ak o iloma lo rumok geig a. Agod man malon ak, nek tamol emaiak, rumok nuņon mi, in tan en san tamolpein fidian sad patu pasek tamol.”

Jesus kin san urat tamol nanun ikubune ya

⁴³ Nal uraru an itout go, Jesus Sameria adi ibi-sawaig imul Galili na yau. ⁴⁴ Gubak mi Jesus inſen igo ibol ilasag ibol, “Anut san profet inſinan panu fun lo man yanſan tia ya.” ⁴⁵ Aria, saen inſ Galili na ilasa dugo, tamolpein dileg duyuſani a. Man fun dugo, inſ dam Jerusalem na nal tubun an lo, kulob kulob a ante igane yan dile yak niſen o, ago malan dupare ya.

⁴⁶⁻⁴⁷ Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kiſ san urat tamol gurman ta nanun Kaper-niam na imado yan, subam ifuni saian. Inſ Jesus Galili distrik lo imado yan ilonſ tag, imasag ririan Jesus san na yau. Inſ yaug, inſanen nanun imat o itor dan, Jesus ikubunep uyan ilasa wo imosiai a.

⁴⁸ Agog Jesus irupei, “Anſ tamolpein pempem kulob ta girager aman da yak, agod kulob a urer san dam ale wo ilom ibol da. Tia dop, anſ ilom lo ta rumok na wa.”

⁴⁹⁻⁵⁰ Ago dugo kiſ san urat gurman an fon inſ igudanig ibol, “O Tubun ak, onſ palu kisaek onſ. Kabelan nſaineg nanuk imat banau.”

Jesus awan yabig ibol, “Onſ wau, onſane nanu uyan imado wa.” Aria, tamol gurman an Jesus san ru ilon lo rumok go yau. ⁵¹ Inſ yau onſ dugo, inſanen urat pinein dal na naon ditareg durupei, “Onſane nanu uyan ilasag imado da.” ⁵² Ago dubol tag, inſ isumianai, “Ad mitilaen dugo wonſ dugo tinin kitek uyan i?” Inſ awan diabig dubol, “Nor ad isakek o itor dugo, tinin ibubarum a.” ⁵³ Ago tag taman fon ilon isoug, nor nek ad ago Jesus irupeig, inſanen nanuk uyan imado dak ibol a. Agog inſ

Jesus niŋen o ilon lo rumok dugo, iŋanen muroun muroun dam fidian ilod lo rumok a.

⁵⁴Jesus in Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

5

Jesus tamol ta you Betesda ante ikubune ya

¹Murnag Juda adi sad tumanek nal tubun ak ta ilasa wo dugo, Jesus dam Jerusalem na yau.

²Jerusalem man pat nam ar dufou dulubani a. Ar san dalawan wei mi dien da. Dalawan ta “sipsip sad dalawan” dubol dan te you saltek ta yen da, Hibru ru lo yaŋan Betesda dubol da. You an aen te lalai miriau faiv ate dien da. ³⁻⁴Lalai miriau an ate man tamolpein subam funfun amad da yak ate dumado da. Aenta malad tia yak, aenta njed saian ak, aenta njed banid tubabun ak, ante eŋel ta ipalup, you lo idup you ila iso dop, dile wo mala nouk dumado da. Gug enti in imug you lo idu dan iŋanen subam itout a. ⁵Aria, tamol ta in miriau ante ananar 38 subam iŋaneg imado ya, in itor san tia, ago yen oŋ se ya. ⁶Jesus tamol an ile dugo, in saen milaen mok subam anda yen na yan durupei a. Ago tag Jesus isumianig ibol, “Dugo, oŋ tini uyan o ilo ibol di?”

⁷Ago dugo subam tamol an Jesus awan yabig ibol, “Awo. Tamol tubun en, ulon, saen you ila iso dop, nai tamol ta ibinawag pe, you lo ibilag nɔadu san tia ya. Naiseg nɔibitinae nɔadu wak, gug aenta mi in nai dirinanag pe dunug dudu da.”

⁸Ago tag Jesus irupei, “Masa utur pe, oŋane gadab an wabisa sinip wau.” ⁹Jesus ago ibol an

ririan tamol an tinin uyan ilasa, agog imasa itur go inanen gadab an yabisa isinig yau.

Kulob an man Juda sad ubou nal lo ilasa ya.*

¹⁰ Ago yak ninen o Juda adi tamol a tinin uyan an dupeig dubol, “Gamu man yaes bilabal san nal, onsigane gadab sinip utur san man geg mok a.”

¹¹ Ago tag in ru naon igo ibol irupudai, “Tamol a nai ikubuniag an in sen nai irupaiag go naisag gadab ninaneg nau da.”

¹² Ago tag fon dusumiani, “Tamol enti on ago gane wo irupaio i?” ¹³ Ak man tamol uyan ilasa an in tamol a in ikubune yan ta ilon na ya. Man dugo, tamolpein doup tubun mok an lo Jesus lulunad lo yau imianuk a.

¹⁴ Murnag Jesus tamol an tempel ilon lo ile tag irupeig ibol, “Ulon, gamu on uya la ya. On fon kagin saian ak ta gane na wa. Kabelan muruan nen tubun geig ak ta on lo ilasa banau.” ¹⁵ Agog tamol an yaug, Juda gurman adi irupudai dulon, “Tamol a nai ikubuniag go uyag an man yan an Jesus.”

Anut Nanun lo id kumaen tinane wa

¹⁶ An ninen o Juda adi Jesus yaes bilabal nal lo urat igane an ninen o tinjed saian go fun diganeg muruan dupani se ya. ¹⁷ Ago tag Jesus irupudai, “Naisag Tamag in nal fidian urat igane yau da, an ninen o nai dam nek ago nigane da.” ¹⁸ Ru an ninen o Juda adi tinjed saian go, Jesus dufuni imat o maeg tubun mi digane na ya. An sabbat nal ipilali ak ninen o mi in ago ta digane na ya, tia, Anut in

* **5:9:** Judah sad ubou nal an Sarere, nal an Sabbat dubol da.

taman mok ibol ak, ru naok an lo inſen Anut da tou kisaek mi ibol da, an lo tinſaed tubun mi saian a.

¹⁹ Jesus irupidaig ibol, “Ŋai rumok nuŋon mi ŋurupaianŋ da, Nanuk man inŋ sen ilon nam mel ta igane san tia ya. Tia, inŋ Bai san banin leil ipani dugo, kagin naok dugo yak igane dan ago mi inŋ dam igane wa. Man dugo, urat dugo Bai igane dan mi Nanun dam igane da. ²⁰ Taman inŋ Nanun o imat go, urat fidian igane dan ikubiai panig ile ilonŋ a. Awo, anŋ amasa saian san urat tutubun geig ak taida ŋigane wo ikubiai panag a. An urat e gamu igane den irinŋani geig dop arut saian a. ²¹ Ata wo? Taman inŋ tamol dumat ak fon iburousap kumaen ipidinai san ilonŋ a. Nek ago mi Nanun dam inŋ sen ilon ibol ak atem, enti kumaen ipani wan ago igane wa. ²² Taida mi, Taman inŋ tamolpein ta bitinaek lo ta idirai na da. Tia, urat an man Nanun mi banin lo igane pasi a. ²³ Taman ilon man, nek ibol tamolpein Taman yaŋan disini dak igo wonŋ, inŋ fidian Nanun dam yaŋan disini wa. Talpein enti a Nanun yaŋan ta isini na dan man, Taman a Nanun iganeg ipalu yan dam yaŋan ta isini na da.

²⁴ “Ŋai rumok nuŋon mi ŋurupaianŋ da. Talpein enti inŋ ŋaisag ru ilonŋ dugo, Anut ŋai idinag go ŋupalu yan ilon lo rumok dan, Anut ru ibol pe talpein an ideg yau ak ta mok igane na wa. Tia, talpein an kumaen pempem san inŋane la ya, inŋ materŋ san dal ibisei lag, gamu kumaen san dal lo itor da. ²⁵ Ŋai rumok nuŋon mi ŋurupaianŋ da, nal ta idu wo igo yan gamu nek e ilasa la ya. Nal an lo tamolpein gamu materŋ san dal lo dutor dan Anut Nanun awan dulonŋ a, ago dop a inŋ awan dulonŋ dan, kumaen pempem san diŋane wa. ²⁶ Bai inŋ

kumaen san taman imado dak ago mi Nanun dam in kumaen an ipani a, an ninen o in dam kumaen san fun imado da. ²⁷ Agod in Nanun tamolpein bitinaek lo idirai san dabai ipani a, man dugo, in Tamol Nanun a.

²⁸ “An mel an ninen o arut saian amoi, man dugo, nal idu dan te dop, tamolpein a fidian sad mutou lo dien dan in san awan dulon a, ²⁹ agop in sinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san dinane wa, ago dop a in kagin saiak saiak digane na yan dumasap Anut ibitiniai gup dideg diau a. ³⁰ Nai seg ilog nam mel ta ngane san man dabai amag tia ya. Nai bitinaek ngane den man Bai sen irupaig ago mi ngane da, an ninen o naisag bitinaek man uyan a. Man ata wo, naisag ilog nurig, urat ta ngane na da, tia, a in nai idinag go npalu amaiak ilon mi niri wo yaes isofutanag da.

Tamol aenta Jesus fun ninen o dubol

³¹ “Naisag nineg o mi ru nabol dop man, idsad kubiaen ibol ago tamol kisaek san ru an dabai aman tia ya. ³² Ak man talpein sen ak naisag ru dabai ipani da, agod nai nalon ak in nai nineg ru ibol dan in san ru man rumok a.

³³ “An gubak mi tamol adinaig suguek san Jon san na diaug, nai nineg o mi ru rumok ak kuai tem ibol dugo dulon a. ³⁴ Gug tamol ta naisag ru en dabai ipani wo ru ta nabol na da, tia, an nai o ilom lo rumok pe, Anut patum ipasi wo ru en nabol da. ³⁵ Jon man in sul igo won ided dugo tamolpein lilaman ipidinai a. In imado an lo saen katukan mi

an̄ ilo uyan am da in̄san lilaman lo amado ator na ya.

³⁶ “Ak man mel ta ibalsin̄anag go n̄ai nin̄eg ibol ilasa dan, Jon san ru irin̄ani a. Urat e n̄igane den, urat nek emaiak n̄igane itout o Bai banig lo iganeg n̄igane da. Urat nek en̄ n̄ai nin̄eg o ikubiai panan̄ dak, Bai in̄sen n̄ai idinag go n̄upalu ya. ³⁷ Agod Bai a n̄ai idinag go n̄upalu yan in̄sen, ru rumok n̄ai nin̄eg o ibol a. Ago gug an̄ kududom in̄ awan kitek dulon̄ man tia, agod tinin̄ san leil an̄ dam ale man tia ya.

³⁸ In̄anen ru dam an̄ lo tia ya. Man dugo, Bai n̄ai idinag go n̄upalu ya, ago gug n̄ai o ilom lo ta rumok na ya. ³⁹ An̄ ru a Anut san buk lo yen dan lo aban̄ tubun mi ale da, man dugo, an̄ ilom igo isou da, ru an̄ lo kumaen pempem san an̄ane wak abol da. Ak man ru nek emaiak n̄ai nin̄eg o mi ibol na ya. ⁴⁰ Ago bo man, an̄ n̄aisag na apalup, kumaen an̄ an̄ane wo man amoi da.

⁴¹ “Gidad tamolpein n̄ai yan̄ag diabisa wo digane bo man, in̄sad per panek ta n̄in̄ane na wa. ⁴² Ak man n̄ai an̄ n̄alon̄ fufei, an̄sam kagin man sen a. Agod n̄ai n̄alon̄ ak, an̄ ilom lo man Anut o ta amat na da. ⁴³ N̄ai Tamag san yan̄an lo n̄upalu ya. Ago gug an̄ n̄ai ta an̄jiliag na ya. Gug tamol sen ak in̄sen yan̄an lo ipalu dop man, an̄ in̄ ayun̄ani wa. ⁴⁴ An̄ Anut mi sen kisaek san na yan̄ak tubun an̄ane san amoi da, ago gug an̄sem nug teim taom lo mi yan̄ak tubun ak an̄ane wo agane da. An̄ ago agane tap, dugo won̄ n̄ai nin̄eg o ilom lo rumok ak i?

⁴⁵ “Ago yan nin̄en o kabelan an̄ ilom lo n̄ai Bai naon na an̄ ru lo n̄idiran̄ ak abol banau. Tia, tamol enti a an̄ ru lo idiran̄ amaiak Moses mi a. An̄ ilom lo in̄ murnap ibinawan̄ o abol, agod in̄ lo mi

aņanem tini gane agane da. Ago bo man, iņ ru lo idiraņ a. ⁴⁶ Aņ Moses san ru ilom lo ta rumok na ya. Aņ ru an ilom lo rumok nuņon ak man, aņ gamu aņanem ilo rumok ņai lo agane wa. Man dugo, Moses ņai niņeg o ru igire ya. ⁴⁷ Gug aņ iņsan ru igire yan ilom lo ta rumok na ya, an niņen o, en dugo woņ pe aņ ņaisag ru ilom lo rumok ak i?”

6

Jesus faiv tausen tamolpein anaņ ipidinai a

Mat 14:13-21; Mak 6:30-44; Luk 9:10-17

¹ Murnag Jesus anen megeloum dida dumasag wog diņaneg, you Galili awan aen ate diau. You an yaņan neinta Taiberias dubol da. ² Tamolpein wei mi Jesus ņien aban fo diau, man dugo, iņ tamolpein subam amadi da yak ibinawaig uyadi dugo kulob girager dile amaiak niņen o iņ ņien fo diau na ya. ³ Jesus iņanen megeloum dida diaug tan bubun fo disida diaug, ante dumasig dumado. ⁴ Nal an man Juda sad nal tubun, tumanek tubun san nal Pasova dubol dan san saen sumeikan a.

⁵ Agog Jesus malan ila iso ak man tamolpein wei mi iņsan na dupalu dugo yil a. Ago tag iņ Filip irupei, “Id dugon te anaņ ta tadad pe, tamolpein en diani wak i?” ⁶ Iņ ilon lo, mel dugo igane wo man yen la ya, ago gug Filip ikubiani wo ago isumiani a.

⁷ Aria, Filip imasa saian go ru naon igo ibol, “Id gidad pat tubun mi lo anaņ tadad bo man, tamolpein en kitek kitek dianip ta idaisuda na wa.”

⁸ Agog megeloum ta Andru, Saimon Pita tein, amaiak Jesus irupei, ⁹ “Pinein nanun ta ente

imado da, in bret bali faiv, agod iy uraru aman da ya. Ago yak man, dugo won pe ate tamolpein warou tubun en tufutaip idaisuda wak i?”

¹⁰ Gafurfur* uyanan ante yen da, an ninen o Jesus megeloum irupidaig ibol, “Tamolpein arup-idaip ante dumasi.” Ago ibol go in gafurfur fo dumasi a. Tamol mi sad sutek man faiv tausen igo ya. ¹¹ Agog Jesus bret inaneg, Anut ilo uyan ru ipani gug, an fidian iwae pidinaig diani a. Iy dam nek ago mi iganeg, inaned ilod ibol ak ate mi diani a.

¹² Diani itout an inanen megeloum irupidai, “An anan samsamun yen dan atumani. Kabelan anan samun ta kawan tibidani banau.” ¹³ Ago tag anan samsamun dutumanig, sareg 12 tutubu yak ditane idug, awad isa ya.

¹⁴ An ninen o tamolpein kulob girager dabai an dileg, agog nug lo dininon go dubol, “Rumok nunon, an ilom dugo isou dak i? En man tag Profet a Anut gubak mi ibol amaiak tan na ipalu wo tamol nek ema ya.” ¹⁵ Gug Jesus lon ak, in dupalup, dabai nam diabip, dinane diaup insad kin digane ilasa wo da. An ninen o in tamolpein an ilod lo sen ipasig did giranen na yang imado se ya.

Jesus you aten fufo yau a

Mat 14:22-33; Mak 6:45-52

¹⁶ Gurai idu dugo, Jesus san megeloum you tilianek Galili lo na dudu ya. ¹⁷ In lon na diau a, ak man Jesus insad na ta ilasa na ya. Ago tag in wog lo dusudag, Kaperniam na dumul diau wo lon dibiseig, you titinaem dututeg diyawai a. Saen diyawai dugo tidom idu yak man, Jesus nen

* **6:10:** Kurkur

gamugo lon na ta idu na ya. ¹⁸ Saen an lo tim tubun ak ifure dugo, tamun dam tubun mok imasa ya. ¹⁹ An lo in wog lo dufulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An ninen o direr saian geig a. ²⁰ Ago dugo in irupidai, “An arer amoi, naiseg npalu da.” ²¹ Agog sad rurek itout go ilod pasai ibol an lo in wog lo isuda wo ilod uyan a. Agog milaen tiag wog an panu diau dan ate yang isasau a.

²² Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, in san megeloum mi dusudag diau a. ²³ In ilod ago isou dugo, wog aenta taun yan an Taiberias dubol dan ateg dupalu dugo dil a. Wog an aben a ate Tubun ak bret in iy da Anut ilo uyan ru ipanig diani an, sinjiren na disasau a. ²⁴ Tamolpein Jesus in anen megeloum dida aben ante abanag diabi se yak man, naod ta dile na ya. Saen ago dulon man, wog an lo dusudag Kaperniam na Jesus dile wo aban an diabig diau a.

Jesus in anan kumaen san

²⁵ In diaug you awan aen ate Jesus dile gug dusumianig dubol, “Girek manau, on nal sanjepta ente palu yak i?” ²⁶ Jesus awad yabig irupidai, “Nai rumok nunon mi nrupaian da, an kulob girager ale yan ninen o nai ta abanag abig apalu na ya. Tia. An anan anig luam ipuk amaiak ninen o mi nai abanag abig apalu ya. ²⁷ An anan a saen katukan lo mi saian dan anane san urat an ta agane na wa. Tia. An anan a kumaen ipanan pe pempem

yau san an mi anane wo urat wagai agane. Anan an Tamol Nanun ipanan a. Anut tamol emaiak ilon ipani dugo, kob igo tinin lo iganeg yen da.”

²⁸ Agog in dusumianig dubol, “Ak man en dugo miganep Anut san urat migane wak i?”

²⁹ Ago tag Jesus awad yabig ibol, “Anut san ilo sou lo urat agane man igo ya, tamol emaiak in iganeg ipalu yan mi an in o ilom lo rumok a.”

³⁰ Ago tag in dusumiani, “On enso kulob girager ta ganep, an lo man mile dop iloma lo rumok ak i? On dugo gane wak i? ³¹ Wagan id tubud baged tan kawan ak ate anan mana diani na ya. An ninen o ru ta Anut san buk lo igo ibol, ‘In kumaen panu san anan ipidinaig diani a.’ ”

³² Jesus irupudaig ibol, “Nai rumok nunon mi nurupaian da. Anan a Moses ipanan an man kumaen panu san anan tia ya. Tia. Anan e gamu naineg Tamag an ipanan den, nek an kumaen panu san anan mok a. ³³ Man dugo, Anut san anan mok man, nek anan a kumaen panu ibiseig idug, tan en san tamolpein kumaen mok ipidinai dan nek ama ya.”

³⁴ Ago tag in Jesus durupein, “Tubun ak, on gidad nal pempan anan an man panama dop mani wa.”

³⁵ Agog Jesus irupudaig ibol, “Naisag mi anan kumaen san. Ta in naisag na ipalu tap, in fon imatigen san tia ya. Ta in nai o ilon lo rumok tap, in you o ilon igos san tia ya. ³⁶ Ago yak man nai an nurupaian la ya, an nai aliag la yak gug, an nai o ilom lo ta rumok na ya. ³⁷ Tamolpein fidian ensauta a Bai ipanag dan, in naisag na dupalu wa. Ago dop ensauta a naisag na dupalup dida mumado wan,

ηai iη ηukudai diau san tia geig a. ³⁸ Man dugo, ηai kumaen panu ηubuseig ηadu yen seg ilog nam kulob ηigane wo ta ηadu na ya. Tia. Bai a ηai idinag go ηupalu yan mi, iηanen ilobol ηuri ηupani wo ηadu ya. ³⁹ Agod Bai a ηai idinag go ηupalu yan iηsan ilon man, tamolpein e ηai ipanag en luluηad lo talpein kisaek ideg yau o man imoi a. Tia, an fidian nal wadan lo dop, ηufufunaip kumaen dumasa wak ilon ago yen da. ⁴⁰ Nai Tamag san ilon man igo ya. Ta Anut Nanun ilep, iη o ilon lo rumok an, iη kumaen pempem yen yau san an iηane wa. Agod ηai nal wadan lo ηuburousap, fon kumaedi dumado wa.”

⁴¹ Saen Jesus, iηsen ananη lak na yak ibiseig idu yen ago ibol dugo, Juda adi iη tiηaed saian go iη niηen o duηurηur se ya. ⁴² Ago dugo iη dubol, “En dugudo i? Tamol an man Jesus, Josef nanun, id iηsan tinan taman dam talon a. Ago gug en dugog iη kumaen panu ibiseig tan na idu ibol di?”

⁴³ Ago tag Jesus ru naon irupudaig ibol, “An ansem nug ilon lo mi anηurηur amoi. ⁴⁴ Talpein ta iηsen ilon nam ηaisag na ipalu san tia ya, tia, Bai sen ηai idinag go ηupalu yan mi talpein an iduduwi dop ηaisag na ipalu wa. Agop nal wadan idu dan lo dop, ηai iη ηufufunip kumaen imasa da wa. ⁴⁵ Profet adi sad ru girek lo igo digire ya, ‘Anut sen tamolpein fidian maηau ipiteηanai a.’ Tamol a Bai san ru dulon go iη awan lo maηau diηane dan fidian, ηaisag na dupalu wa. ⁴⁶ Talpein ta Bai ile man tia ya. Tia, enti iη Anut san nag ipalu yan mi malan nam Bai ile ya. ⁴⁷ Rumok nuηon mi ηai ηurupaian da, talpein iη ηai o ilon lo rumok an, iη kumaen pempem san iηane la ya. ⁴⁸ Nai mi ananη

kumaen pempem san. ⁴⁹ Wagam mok an tubum bagem tan kawan ak ate dutor dugo, anan mana diani na ya, ago bo man in fidian materj dile ya. ⁵⁰ Gug ente anan a kumaen panu ibiseig idu yan yen da, ago dugo talpein enti a anan an yani dan materj ta ile na wa. ⁵¹ Naiseg mi, naj anan kumaen anda yak a kumaen panu ibiseig tan na idu ya. Talpein ta anan emaiak yani dop man, in materj ta ile na wa, tia, in pempem mi kumaen imado wa. Anan en naiseg tinig, tan en san tamolpein kumaen pempem san dijane wo nipidinai a.”

⁵² Ago tag Juda adi in sed nug dupei dugo dubol, “En dugo wonj pe tamol en in sen tinin ipanad pe tani wak i?”

⁵³ Ago dugo Jesus irupudaig ibol, “Rumok nunon mi naj jurupaian da. An Tamol Nanun san tinin, in anen dar ani aluk a. Tia tap, Anut san kumaen an lo ta yen na wa. ⁵⁴ Talpein in naisag tinig yani dugo, dar ag iluk dan, in kumaen pempem san in jane la ya, ago dop nal wadan lo dop, naj in nufufunip nabisa wa. ⁵⁵ Man dugo, naisag tinig man anan mok, agod naisag dar man you mok a. ⁵⁶ Talpein in naj tinig yani dugo, dar ag dam iluk dan, in naj lo imado dugo, naj in lo numado da. ⁵⁷ Bai kumaen imado dan in naj idinag go nupalu ya, agod naj Bai san wagen lo kumaen numado da. Nek ago mi, talpein in naj iniag dan, naisag wageg lo kumaen in jane wa. ⁵⁸ Anan a kumaen panu log idu yan nek ama ya. An tubum bagem mana diani nag murna in dumat a. Ak gug talpein enti a, anan e ninen o nabol den yani dan man, in kumaen pempem imado wa.” ⁵⁹ Ru an, saen Jesus Kaperniam na ubou ab ilon lo imado dugo, ipitenanai a.

Kumaen san ru

⁶⁰ Ganurek tamol adi wei mi ru an dulon go igo dubol, “Ru en muruan kasik a, enti ru an ka inane wak i?”

⁶¹ Gug Jesus in ilon ak, in san ganurek tamol adi ru an ninen o dunurnur se ya. Ago tag irupudaig ibol, “Ru an ilom muruan ipani ak i? ⁶² Ak dugo, mitep an Tamol Nanun ale dop, lak na aben gubak mi imado ante isuda yau dop, an ninen o dugo abol ak i? ⁶³ Urgun mi in tamol kumaen ipani da, tinid man in kitek ibinawad san tia ya. Ru e nai nurupaian den, in ur agod in kumaen a. ⁶⁴ Ago gug an lulunam lo tamolpein aenta in ilod lo ta rumok na ya.” Ago ibol san fun man, in imug mi talpein dugon ilod lo ta rumok na dop, tamol enti in ager banid lo igane man, in ilon uyanan a. ⁶⁵ In ru ibateg ibol, “Nek fun amaiak ninen o, nai imug mi an igo nurupaian; Talpein sen ilon nam naisag na ipalu san tia ya, tia, naineg Bai tamol an idaisuda mi igane ilasa gup ka ipalu wa.”

⁶⁶ Jesus ru en ifulale itout go, in san ganurek tamol adi wei mi in dibiseig dumul diaug, in afon njen aban ta diri na ya.

⁶⁷ Ago tag Jesus inanen megeloum 12 an isumianai, “Tag an dam nai abisawag pe au wo ilom yen di?” ⁶⁸ Saimon Pita awan yabig ibol, “O Tubun ak, man enti san na mau wo ubol di? Onane ru mi in kumaen pempem san aman da ya. ⁶⁹ Man malon uyan go iloma lo rumok ak, on mi Anut anen Tamol Gun a.”

⁷⁰ Jesus ru naon irupidaig ibol, “Nai an 12 nitarpasan a, ago gug an lulunam lo ta kisaek man in Satan san.” ⁷¹ In san ru lo, Judas, Saimon Iskeriot

nanun an isue ya. Tamol an Jesus san megeloum 12 an lulunad lo yak gug, mitep in Jesus ager banid lo igane wa.

7

Jesus tein muroun in ninjen o ilod ta rumok na ya

¹ Murnag Jesus in sen ilon dugo yen dak irig, Galili distrik lo mi itor se ya. Man dugo, Juda adi in dufuni imat o digane se ya, an lo in Judea distrik lo yau man imoi a. ² Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.) ³ Ago tag Jesus tein muroun bube suek ru durupeig dubol, “On gidad e utor den umoip, masap distrik Judea na wau. Ago tap man onsa megeloum aenta onsa urat dabai tutubun gane dan dile wa. ⁴ Talpein ta in malak malak yanak tubun ak inane wo tap, in mianuk lo urat dabai tutubun ak igane san tia ya. On kulob igo yak gane wo tap, waup, tamolpein fidian malad lo gane wa.” ⁵ Inanen tein muroun mok dam in o ilod ta rumok na ya, fun an lo ago dubol a.

⁶ An ninjen o Jesus irupudaig ibol, “Naisag nal gamugo da, gug saen fidian an ilom ibol ago mi agane wa. ⁷ Man dugo, tan en san tamolpein fidian man ansam ager tia ya, tia, in naisag ager mi a. Man ata wo? Nai inaned saian kuai tem nabol ilasad amaiak naon nisini da. ⁸ An tumanek nal tubun an lo aladu au, gug nai man tia wa. Man dugo, naisag nal mok gamugo ilasa da.” ⁹ In ago ibol irupudaig Galili na mi imado se ya.

Jesus yaug, lalai san nal tubun ak ile ya

¹⁰ Aria, Jesus tein muroun imug dusuda diau dugug, inſen murna imianuk onſ yaug abanſ ile dugo itor se ya. ¹¹ Aria, tumanek tubun an ilon lo, Juda gurman adi Jesus abanſan diabi dugo, ninſen o dusumiaig dubol, “Tamol an dugon te imado dak i?”

¹² Tamolpein an luluſad lo Jesus ninſen o gidigidad dinſenſ ila iso se ya. Aenta dubol, “Inſ tamol uyan a.” Gug aenta dubol, “Tia, inſ tamolpein fidian irawai da.” ¹³ Ak man talpein ta inſ ninſen o ru kuai tem ibol ilasa man tia ya. Man dugo, inſ Juda gurman adi ninſedi wo direr a.

¹⁴ Aria, dumado yaug tumanek san saen titinſae gug, Jesus inſ tempel ilon lo iladug tamolpein maſau ipitenſanai a. ¹⁵ An ninſen o Juda adi durut saian go dubol, “Tamol en maſau ta dipitenſani na ya. Ago gug en dugon te maſau igo yan inſane yak i?”

¹⁶ Ago tag Jesus inſ ru naon igo ibol irupudai, “Nai ru e nabol nſrupaianſ den man nſaisag ru tia ya. Tia, en Anut nai idinag go nſupalu yen inſsan ru nſabol alonſ da. ¹⁷ Ak talpein ta inſ Anut ilon yen dan ago iganuri wo imat tap, nſaisag pitenſanek en Bai san ilon boi, tia, nſaisag ilog boi, an ka walal te ile ilonſ a. ¹⁸ Talpein inſsinanen ilo sou lo inſenſan dan man, inſsen yanſan mi yabisa wo urat igane da. Gug talpein inſ tamol sen ak idinig ipalu yan mi yanſan yabisa wo urat igane tap, talpein an san ru an rumok mi a. Ru sewak ta inſ lo yen man tia ya. ¹⁹ Wagam mi Moses anſ kubiaenſ ipanaſan a. Ago gug anſ luluſam lo talpein ta kubiaenſ en iri ipani man tia ya. Ak en ata wo nai afunag nſamat o agane di?”

²⁰ An niñen o tumanek san doup adi ru naon igo dubol, “Onse ur saiak ama da ya. Enti on ifuno umat o igane dak i?”

²¹ Jesus awad yabig ibol, “Nai gubak mi kulob girager kisaek ñigane yak gug, an an niñen o ilom weiwei da. ²² Aria, ilom isou o uyanan. Moses san kubiaen lo ru en yen da, (gug Moses an kulob en ta ipanañ na ya, tia, an tubum bagem dupanañ a.) Ru an igo ya, saen pein ta nanuk igansip nal 8 yau gup, nanuk an tinin sunulon atute wa. An kubiaen an ari wo nanuk sunulon atute san nal an sabat nal dop man, kubiaen an apilali san tia ya. Ak man, nal an lo dam tini sunulon tutek san urat agane da. ²³ Aria, an sabat nal lo tini sunulon tutek san urat agane tap, en ata wo ñai tamol tinin fidian mi sabat nal lo ñukubune yan niñen o ilom ñai o saian dak i? ²⁴ An kankan tia yak lo bitinaek ta agane na wa, tia, an ilom igire na gup, kankan itaot an lo bitinaek agane.”

Jesus in Kristus i?

²⁵ Jerusalem tamolpein aenkadi in ago igane dugo dile yan niñen o sed nug dusumianig dubol, “Ak dugo, tamol a idsad gurman adi dufuni imat o digane dan nek on i? ²⁶ Ak ale, in malak malak ru kuai tem ibol ilasa da. Gug gurman ta awan ipuk go ru ta ipani na da. Dag in ilod lo dulon uyan ak in sen Kristus i? ²⁷ Ak man id tamol en san fun panu talon a, gug saen Kristus ipalu man, in dugon te ipalu yan id talon san tia ya.”

²⁸ Agog Jesus nek ate tempel ilon lo mi imado se man, tamolpein manau ipiteñanai dugo, iwagin go ibol, “Awo, an ñai alon a, agod ñai dugon teg ñupalu

yan dam alon abol da. Ago gug an nai anjon geig a. Naiseg ilog nam ente ta npalu na ya. Tia, Enti a nai idinag go npalu yan mi naisag fug mok a, ak man an in ta alon na ya. ²⁹ Gug nai mi in nalon a, man dugo, nai insan na nilasa ya, agod in nai idinag go npalu ya.”

³⁰ Ru an dulon tag in Jesus dusbani wo dal aban dile se ya. Gug tamol ta in tinin ta diabi na ya, man dugo, insan saen gamugo da. ³¹ Tamolpein wei mi in ninen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat irinani wak i? Tia geig a.”

³² Tamolpein kisik kisik nam Jesus ninen o dininon dugo, Farisi adi ago dulon tag, pris gurman adi in Farisi an dida tempel san titianek adi didinaig, Jesus dusbani wo diau.

³³ Ago dugo Jesus ibol, “Nai saen katukan mi an da tumado wa, ago gup Enti a idinag go npalu yan san na nau a. ³⁴ An nai abanag abi wa, ak man ta aliag na wa. Agod aben a nai ate nau dan an ate au san tia ya.”

³⁵ Ago tag Juda adi insed mi dininon go dubol, “Tamol en dugon te yau dop, id aban tile tia wak ninen o ibol di? Dugo, in dap idsad sawar aenta Grik lulonad lo dumadod, amaiak sad na yau ipitenanai dop, aban tile tia wak ninen o ibol di?”

³⁶ Ago dugo insan awan aban igo ya, ‘an nai abanag abi wa, ak man ta aliag na wa, agod aben nai ate nau dan an ate au san tia ya.’ Ru en fun dugo yak i?”

³⁷ Tumanek digane yan san wadan futanek nal tubun ak lo, Jesus imasa itur go awan tubun mi

iwagiñ go ibol, “Talpein ta inç you wo imat tap, inç ñaisag na ipalup you ka iluk a. ³⁸ Anut san ru girek lo igo ibol, talpein ñai o ilon rumok tap, ‘you kumaen san amaiak talpein an buben ilon lo ibanai ilasa yau dop yen a.’ ” ³⁹ Jesus Awan Urgan niñen o tou an yabig ru ibol a. Talpein ensauta a Jesus o ilod lo rumok an murnap Awan Urgan diñane wa. Nal an lo man Jesus lak na yanak tubun ak inçane wo gamugo isuda yau da, ago yan lo Awan Urgan dam gamugo idu da.

⁴⁰ Tamolpein aenta ru an dulonç go igo dubol, “Rumok, tamol nek en profet tubun a Anut igane ipalu wo ibol ama ya.”

⁴¹ Ago dugo aenta igo dubol, “En mi Kristus.”

Gug aenta dubol, “En dugo wonç pe Kristus inç Galili na ilasa wak i? Tia geig a! ⁴² Man dugo, ru ta Anut san buk lo igo ibol, Kristus inç Kiñ Dawid malan kubulan. Agod inç panu Betlehem na, Dawid san fun panu lo ilasa wa.” ⁴³ Jesus niñen o tamolpein sed itarpaleg malan wei mi dilasa ya. ⁴⁴ Aenta Jesus dusubani wo digane, ago gug tinin ta kitek diabi man tia ya.

Juda sad gurman adi Jesus niñen o ilod ta rumok na ya.

⁴⁵ Agog tempel titianek adi dumul pris gurman inç Farisi adi dida sad na diau, agog gurman inç dusumianaig dubol. “Anç dugog tamol an abig, ananeg ta apalu na yak i?” ⁴⁶ Gug tempel titianek igo dubol, “Gubak mi tamol ta ru ago ibol ilasa dop talonç man tia geig a.” ⁴⁷ Ago tag Farisi adi igo dupidai, “Dugudo? Anç dam irawanç go inç niñen o ilom rumok di? ⁴⁸ Dugo, manç gurman lulunçama lo,

tia, Farisi adi lulunad lo ta kisaek tamol en niñen o ilon rumok ak ale i? Man tia geig a. ⁴⁹ Tamolpein kawan kawan, idsad kubiaen ta dulon uyan na den mi, tamol an niñen o ilod rumok da. Fun amaiak niñen o in fidian Anut san misilane paen na dumado da.”

⁵⁰ Ago dugo Farisi sad gurman ta yanjan Nikodemus, in gubak mi Jesus san na yau amaiak imasag igo ibol, ⁵¹ “Idsad kubiaen, dugo ibol i? Id sen kawan tamol ta ru lo ka tigane wak i? Id in awan talon dop, dugo dugo igane yan kuai tupani gup, tibitinae a.”

⁵² In awan diabig igo dubol dupei, “Nag on dam Galili tamol i? On ru Anut san buk lo yan sutip ule gup ulon a, profet ta Galili na ilasa san man tia geig a.” ⁵³ Ago gug in dufurak go ab anen anen ate diau a.

8

Pein ta jeit kagin igane ya

¹ Agog Jesus imasag, Did Oliv fo isida yau a. ² Tidom lom mok in imul fon tempel lo yau dugo, doup tubun ante dumado yan dupalug dulubani a. Ago tag in imasig Anut san ru ipitejanai a. ³ Ago dugo kubiaen tamol in Farisi adi dida, pein ta jeit kagin igane dugo dile tag diabig, dinane dupalu ya. Agog malak malak titinaem dugunig ago itur dugo, Jesus dusumianig dubol, ⁴ “Girek manau, pein en iwon anda ak gug, tamol sen ak da jeit diabi dugo meil a. ⁵ Aria ulon, Moses san kubiaen lo, ru kagin dabai ak igo irupaiad a, pein ta kagin ago igane tap pat nam afuni imat a. On an niñen o dugo ubol ak i?” ⁶ Gug an man sen kawan in dukubianip, ru

sukurun ta ibol saian dop, ate dusubani wo ago digane ya.

Gug Jesus itakoksig, banin kikoun nam tan aten fufo igire ya. ⁷ Inj afon mi dusumiani onj tag, ifotsag igo ibol irupudai, “Anj lulunjam lo enti aupasek aman tia yan, inj malan imug pe pat injanep, pein en tinin fufo ibal a.” ⁸ Ago ibol itout an fon itakoksig, tan aten fufo igire se ya. ⁹ Aria, talpein ru an duloj man kankan dijaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi inj pein an da nunod uraru mi dumado ya.

¹⁰ Agog Jesus ifotsag imasa itur gug pein an isumiani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

¹¹ Ago dugo pein an ibol, “O Tubun ak, tamol ta ru lo ibiag njadu man tia ya.”

Ago tag Jesus irupej, “Nai dam njibio udu san tia ya. Waup, afon aupasek ta gane na wa.”

Jesus inj tan en san lilaman

¹² Tamolpein fon Jesus san na dupalu tag, inj irupidaig ibol, “Nai tan en san lilaman. Tamol enti a nai njieg aban iri dan, inj tidom tubun lo ta itor na wa. Tia, inj kumaen san lilaman anda itor a.”

¹³ Ago tag Farisi adi inj Jesus durupej, “Onj onse nijn wo mi ru ubol da, fun an nijnen o idsad kubiaen ibol man onjane ru an dabai an tia ya. Onj ru kawan ubol da.”

¹⁴ Jesus awad yabig igo ibol, “Rumok, gidad njaiseg nijneg o mi njabol ak gug, njaisag ru en ru rumok. Man dugo, nai dugot nag njupalu yan njalonj a, agod fon dugon te njau an dam njalonj a. Gug anj

man n̄ai dugot nag n̄upalu yan ta alon̄ na ya, ago dugo n̄ai dugon te n̄au o dan, an dam an̄ ta alon̄ na ya. ¹⁵ An̄ tan en san kagin lo mi tamolpein kubianek lo adirai da, gug n̄ai talpein kisaek kubianek lo ta n̄igane na da. ¹⁶ Ak gug, n̄ai bitinaek n̄igane tap, man n̄aisag bitinaek itaot mok a. Man dugo, n̄ai seg kisaek bitinaek ta n̄igane na da, tia, Bai in̄ n̄ai idinag go n̄upalu yan, in̄ ilon n̄iganurig in̄ n̄ai da sisem iloma kisaek gup, bitinaek n̄igane da. ¹⁷ An̄sam kubiaen̄ lo igo digire ya, tamol uraru ru kisaek mi dubol tap, in̄sad ru an rumok di dabai geig a. ¹⁸ N̄ai n̄aiseg nin̄eg o n̄abol da, agod Bai dam n̄ai idinag go n̄upalu yan, in̄ n̄aisag ru dabai ipani da.”

¹⁹ Ago tag in̄ dusumiani, “On̄ane tama dugon te imado di?”

Agog Jesus awad yabig ibol, “An̄ n̄ai ta alon̄ na ya, n̄aineg Tamag dam ta alon̄ na ya. An̄ n̄ai alon̄ ak man, n̄aineg Tamag dam alon̄ a.” ²⁰ Saen a ru ibol an man, tempel ilon lo moni san kunup yen dak giran̄en na imado dugo, tamolpein man̄au ipiten̄anai se ya. Gug talpein ta yabip isubani wo igane man tia ya. Man dugo, in̄san imat san nal gamugo da.

Jesus yau dan ate in̄ dupalu san tia ya

²¹ Jesus fon irupidai, “N̄ai n̄ubisawan̄ pe n̄au dop an̄ aban̄ag abi wa, ago gup ta aliag na wa. An̄ an̄anem aupasek Anut ta isuas na dop, an̄sam aupasek ilom lo yen dan ida amat a. Aben ate n̄ai n̄au dan an̄ ate au san tia ya.”

²² Ago dugo Juda adi igo dubol, “Inj ibol ak, inj ate yau dan id ate tau san tia ya. Dugo, dag inſen ifuni imat o ago ibol di?”

²³ Gug Jesus ru awan ibateg igo irupudai, “An man aben a paen na amaiak san apalu ya, gug naj man lak na amaiak san npalu ya. An tan en san, gug naj tan en san tia ya. ²⁴ An ninen o naj nrupaian la ya, anſam aupasek ilom lo yen dan ida amat a. Man dugo, rumok nuŋon, ‘Naiseg Naj Numado Dan’* an gidad ilom lo rumok a. Tia dop, anſam aupasek ilom lo yen dan ida amat pe an lo adeg au a.”

²⁵ Inj dusumianig dubol, “Onj enti mok i?”

Ago tag Jesus awad yabig ibol, “Nai nek en, seg nineg o gubak mi nrupaian go alon la ya. ²⁶ Saen naj an kot lo ndiran dop, ru wei mi nupanan a. Ak man naj seg ilog nam ago ngigane san tia ya. Tia, Enti a naj idinag go npalu yan, inſan kagin rumok geig a, inj naisag ru dabai ipani wa. Nai tan en lo numado dugo, ru a inj ibol dugo nalon ak ago mi tan en san tamolpein nrupidaip dulon a.”

²⁷ Inj Taman ninen o irupudai dan ta dulon uyan na ya. ²⁸ Ago tag Jesus ibol, “Murnap an Tamol Nanun abisa dop, an lo gup an ilom isafulale wak, ‘Naiseg, Naj Numado Dan’ nek ema ya. Nai mel ta seg ilog nam ngigane san tia ya, tia, naj ru nabol den man Bai mi naj ikubiai panag a, ru nek an mi nrupaian go alon da. ²⁹ Enti a naj idinag go npalu yan inſen mi naj ida mumado da, agod inj naj ibisawag go seg ta numado na da. Man dugo, inj ilon yen dan ago mi nuri nupani da.” ³⁰ Inj ago ibol dugo, tamolpein wei mi inaned ilo rumok inj lo digane ya.

* **8:24:** Yanak an Anut inſen ninen o Moses naon na ibol ilasa ya.

Abraham malan kubulan

³¹ Aria, Jesus Juda tamolpein a in o ilod lo rumok an irupudaig ibol, “An naineg ru abi sakar tap, an naineg megeloum mok a. ³² Agop an ru rumok an alon a. An lo ru rumok san dabai lo an urat bigabeg igo won amado san tia ya.”

³³ Ago tag in ru naon igo durupei, “Man Abraham malan kubulan mok a, man urat bigabeg adi igo won talpein ta paen na ta mumado na ya. Man ata wo man talpein an paen na ta mumado na wak, ago ubol di?”

³⁴ Jesus awad yabig igo ibol, “Rumok nunon mi nrupaian da. Tamolpein a aupasek digane dan in aupasek san urat bigabeg dumado da. ³⁵ Urat bigabeg adi man in tamad san warou lo aben amad tia ya. Gug nanuk man in taman da pempem dumado da, man dugo, taman san dar lo ilasa ya. ³⁶ Ago yak ninen o Nanuk in aupasek san dabai an ibian adu dan tuon lo ipasan tap, an bigabeg adi igo won ta amado na wa, tia, nanuk mok igo won ator a.

³⁷ Nai nalon ak, an Abraham malan kubulan. Ago bo man an nai afunag nmat san dal ale wo malam agane da. Man dugo, an ilom lo naisag ru en aben ta ate ka yen san tia ya. ³⁸ Nai mel a fidian Bai naon na numado dugo nile yan mi nrupidai alon da. Gug an ru dugo ananem tamam irupaian go alon ak, nek an mi ari da.”

Satan malan kubulan

³⁹ In Jesus awan diabig dubol, “Abraham mi mansama tamama.”

Gug Jesus igo ibol, “An Abraham nanun muroun mok ak man, kagin naok a Abraham igane na yan an atutanani wa. ⁴⁰ Nai ru rumok Anut san na

ņiņane an mi ņurupaiaņ alonj da. Ago bo man aņ ņai afunag ņamat o agane da. Abraham kagin naok ago yan ta igane na ya. ⁴¹ Tia, aņ kagin a gamu agane dan man, aņanem taman mok san kagin mi atutuņani da.”

Agog iņ dumasa saian geig go durupei, “Maņ jeit kagin lo ta milasa na ya. Tia, maņ tamama man Anut mi sen kisaek a.”

⁴² Jesus awad yabig ibol, “Isop Anut iņ aņanem Tamami an rumok tap, aņ ņai niņeg o amat a. Man ata wo? ņai Anut san nag ņupalu ya. ņai ņaisag ilo sou lo mi ta ņupalu na ya. Tia, Bai ņai idinag go ņupalu ya. ⁴³ Ata wo aņ ru e ņabol den niņen o ilom itarpasi san ta idaisuda na yak i? Fun igo ya, aņ ņaisag ru ņabol den alonj san kududom itau aman a. ⁴⁴ Aņanem tamam Satan, aņ iņanen nanun muroun mok a. An lo aņ ilom man, iņanen ilobol mi aganuri wa. Fun mok lo ipalug gamu en, iņanen kulob mok man, iņ tamol ifu dumat na ya. Iņ tinin lo ru rumok ta yen na ya, ago tag ru rumok ak ta yabig iri na da. Saen iņ ru sewak ibol dan, iņanen muroun ru ibol da. Man dugo, iņ sewak tinan, agod iņ sewak fidian an sad tamad mok imado da. ⁴⁵ Gug ņai ru rumok ak mi ņurupaiaņ da, fun an niņen o aņ ņai niņeg o ilom ta rumok na ya! ⁴⁶ Aņ luluņam lo tamol ta kisaek, ņai aupasek ņigane yak niņen o ilog isue san idaisuda yak i? Man tia geig a. Ago tag, ņai ru rumok ņurupaiaņ alonj da. Ak dugo, en ata wo ru e ņabol den ilom lo ta rumok na dak i? ⁴⁷ Ta iņ Anut san tap, Anut awan ilonj dop iri wa. Aņ Anut awan ta alonj na dan fun man, aņ Anut san tia ya.”

Abraham ta ilasa na dugo Jesus imado ya

⁴⁸ Juda adi tiŋaed saian dugo awan diabig igo dubol, “Oŋ Sameria tamol, agod oŋ ur saiak ama da ya! Ago mabol an ta rumok na yak i?”

⁴⁹ Jesus ibol, “Ŋai ur saian amag tia ya. Ŋai ŋaineŋ Tamag yaŋan mi ŋabisa da, ago dugo an ŋai yaŋag abi idu da. ⁵⁰ Ŋai seg yaŋag ŋabisa wo urat ta ŋigane na da. Tia, Tamol sen ak ŋai yaŋag yabisa wo urat igane da, agod inŋen mi in ŋ Bitinaek Tamol a. ⁵¹ Ŋai ru rumok ŋurupaian da, talpein enti a ŋai awag iri ipani dan, in materŋ ta ile na wa.”

⁵² Juda adi ago dulon go awad ipuk go dubol, “Maŋ gamu malon uyan ak, oŋ ur saian ama da ya. Abraham imat la yak, profet adi dam wagam mi dumat la ya. Ago bo man oŋ talpein oŋane awa iri ipani dan materŋ ile san tia ubol da. ⁵³ Dag oŋ idsad tubud baged Abraham riŋani ak ubol di? In materŋ ile ya. Ago profet adi dam materŋ dile ya. Ak dugo, oŋane ilo sou lo, oŋ enso tamol i?”

⁵⁴ Jesus ru naon igo ibol, “Ŋaiseg yaŋag ŋabisa dop man, ŋai yaŋag an kawan a. Gug ŋaisag Bai, in ananem Anut abol dan, in ŋai yaŋag yabisa da. ⁵⁵ An in ta alon na yak bo man ŋai in ŋalon a. Ak ŋai in ta ŋalon na yak ŋabol ak man, ŋai sewak tamol, nek an igo mi a. Gug rumok, ŋai in ŋalon a, ago dugo in awan kagin ŋupani da. ⁵⁶ Ananem tubum bagem Abraham ŋaisag dal ile wo ilo sou igane dugo youn isusa ya. Aria, in ŋaisag nal ile man ilon uyanan a.”

⁵⁷ Ago tag Juda adi durupeig dubol, “Ak dugo, oŋsa ananar gamugo 50 yabi bo man oŋ Abraham ule ubol di?”

⁵⁸ Jesus ru naon irupidaig ibol, “Ŋai rumok nunon mi ŋurupaian da. Saen Abraham gamugo

ilasa dugo Naiseg, Njai Njumado Ya.” ⁵⁹ Inj ago ibol an pat duburoug sen nam dufuni wo digane ya, ak man Jesus mianuk lo lulunjad lo itapas go sen tinin imianig tempel patun fo yau a.

9

Jesus tamol malan itau ak ikubune ya

¹ Jesus turenj yabig yau dugo, tamol ta malan itau ak ile ya. Inj tinan tinjaen lo mi mala tia igansi a. ² Jesus sinanen megeloum dusumianig dubol, “Girek manau, enti san ai wadan ninen o nanuk an malan itau aman tinan igansi ak i? Injsinanen ai wadan i? Tia, tinan taman sadi ak i?”

³ Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut injanen urat san dabai tamol en tinin lo tamolpein ikubiaip dile wa. ⁴ Gamu ad aman tumado den lo, id Enti a njai idinag go njupalu yan injsan urat tigane wa. Mitep tidom idu dop man, talpein ta urat igane san tia ya. ⁵ An ninen o saen njai tan ente njumado den lo, njai tan en san tamolpein lilaman njupidinai da.”

⁶ Inj ago ibol go, ilusu tan fo idug, tan da ikubulig injaneg, tamol malan ate ibubuni a. ⁷ Agog irupej, “Onj waup, you saltek Siloam lo mala fulani wa.” (Siloam yanjan fun man: inj idinig yau a.) Ago tag yaug malan ifulanig, malan uyan go abanj ile gug sinan ab lo yau a.

⁸ Aria, muroun susumeik an, agod tamolpein a inj wagam mi dile duloj na yan durut saian go nug dusumianig igo dubol, “Dugo, tamol en wagam mi

malan itau imado dugo moni o igod se ama i?”
⁹ Ago dugo aenta igo dubol, “Nek tamol ama ya.”
 Ak man aenkadi dubol, “Man tia ya, tamol en naon
 nek ago mi a, gug en man tamol sen ta ya.”

Ago dugo tamol an igo ibol, “Tia, en njaiseg.”

¹⁰ Ago tag dusumiani, “On dugo ganeg mala
 uyan ak i?” ¹¹ In awad yabig ibol, “Tamol a Jesus
 dubol damaiak gigeo injaneg malag ibubunig ago
 ibol irupaiaq, ‘On waup, you saltek Siloam lo mala
 fulani.’ Ago tag nja njaug malag nfulani man, nja
 aban njele ya.” ¹² Agog in dusumiani, “Tamol an
 dugo mi ak i?”

Ago dugo in ibol, “Nai ta nalon na ya.”

¹³ Agog tamol a wagam malan itau an dinjaneg,
 dida Farisi adi sad na diau a. ¹⁴ Gug nal a lo Jesus
 tamol malan iganeg uyan an man Sabat nal lo ya.
¹⁵ An ninen o Farisi adi in dugo iganeg lo aban
 iled amaiak ninen o dusumiani a. Ago tag in ibol,
 “Tamol an gigeo injaneg malag ate ibubuni a, ago
 gug idinag go njaug you malag nfulani an lo nja
 malag ipuk go aban njele da.”

¹⁶ Ago tag Farisi aenta igo dubol, “Tamol an in
 Anut san nag ta ipalu na ya, man dugo, in Sabat
 nal san kubiaen ta iri na da.” Gug aenta dubol,
 “En dugo won pe tamol aupasek anda yak kulob
 girager igo yak ka igane wak i?” Nek an log nug
 ditarpaleg malan uraru dilasa ya. ¹⁷ Agog fon
 tamol an dusumiani dag dubol, “Tamol a on mala
 ikubuneg uyan an ninen o dugo ilo isou di?”

Agog tamol an awad yabig ibol, “In profet a.”

¹⁸ Juda adi tamol a imug malan itau an ninen o
 nen ilod ta rumok geig na ya. Ago tag in san tinan

taman digiaig dupalug dusumianai, ¹⁹ “Dugo, en anjanem nanum mi ak i? Dugo, in malan itau man tinan igansi ak i? Agog gamu en dugo iganeg aban ka ile di?”

²⁰ Agog tinan taman ru naon durupidaig dubol, “Man malon ak en manjanema nanuk a. Saen tinan igansi man malan tia imado ya, an dam malon a.

²¹ Ak gug in dugo iganeg lo aban ka ile yan man man ta malon na ya. In tamol igane la ya, an ninen o in sen asumiani dop, sen fun ibol alon a.” ²² Tinan taman in Juda adi ninedi wo direr, an ninen o in ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus ninen o Kristus ibol dop man, in dukudip, midaen patun fo ilasa wa. ²³ Kagin nek an ninen o tinan taman in ago dubol, “In tamol igane la ya, an ninen o in sen asumiani.”

²⁴ Ago tag tamol imug malan itau an afon mi duwagig durupe, “On Anut yanjan mi wabisa. Man dugo, man malon ak, Jesus man aupasek tamol a.”

²⁵ Tamol imug malan tia an awad yabig ibol, “In aupasek tamol boi, tia, tamol uyan boi, an nai ta nalon na ya. Mel kisaek nai nalon ak man, wagam nai malag itau gug, gamu nai aban ka nile da!”

²⁶ Agog in dusumianig dubol, “In on lo dugo igane yak i? En dugo won mala igane ipuk ak i?”

²⁷ In ibol, “Nai gubak mi nurupaian la ya, gug an alon an amoi. An ata wo alon da wo asumianag di? Dag an dam in san megeloum alasa wo abol duboi i?”

²⁸ Ago tag in naon dufute dupeig dubol, “On se mi in san megeloum, man man Moses san megeloum

a! ²⁹ Mañ malon ak Anut sen in Moses da diñinon a. Gug tamol a Jesus dubol dan in dugon teg ipalu yan fun ta malon na ya.”

³⁰ Tamol an awad yabig ibol, “An ru naon sen-amo geig aninon da! En dugo won go an in dugon teg ipalu yan fun ta alon na yak i? Tamol an nai malag ikubuneg gamu aban nile da. ³¹ Id talon ak, Anut tamol aupasek amad da yak awad ta ilon na da. In talpein a in awan iri dugo, ubou an ile dan mi awan ilon da. ³² Talpein ta ago malan itau man tinan igansip, tamol sen ak malan ikubune yak, id kududod kulob naok ago yan imug ilasa dop talon man tia ya. ³³ Tamol en Anut san nag ta ipalu na yak man, in urat naok igo yak igane san tia ya.”

³⁴ Ru an ninon o Juda gurman adi tinjed saian go dupei, “Onane tina iginiosi dugo, aupasek on tini inanefute la ya! Ago tag, ata wo on man pitejanama wo gane di?” Ago dubol go kuai te dubal ilasa yau a.

Nutudi malad itau a

³⁵ Jesus tamol an kuai te dubal ilasa yan san ru ilon a. An lo aban an yabi yang ile tag irupei, “On Tamol Nanun en ilo lo rumok i?”

³⁶ Agog tamol an ibol, “O Tubun en, Tamol Nanun en enti i? Ubol nalon pe, nai in o ilog lo rumok a.” ³⁷ Jesus ibol, “On in ule la ya. Nek gamu on in da aninon da.”

³⁸ Ago dugo tamol an naon na turun isaluwig igo ibol, “O Tubun en, nai ilog lo rumok a.” Agog ubou an ile ya.

³⁹ Jesus ibol, “Nai tan ente tamolpein nitarpalaip malan uraru dilasa wo npalu ya. An ninon o mala

itau adi aban dile wa, ago dop talpein aban diled dubol dan man, malad itau dilasa wa.”

⁴⁰ Farisi adi aenta in da dumado yan, ru an dulon go igo dubol, “Man dam malama itau ak ago ubol di?”

⁴¹ Jesus ibol, “An malam tia yak man, aupasek amam tia wa. Ak man an malam ipuk ak abol dan lo an sam aupasek yen da.”

10

Sipsip sad ar san ru fa nan

¹ Jesus ago ibol, “Nai rumok nunon mi nurupaian da. Tamol enti in sipsip sad ar san dalawan lo iladu an imoi, ago gug yang ar awan sen ak fo isudag, ilon lo iladu dan man, in gumagam tamol mala suek igane wo ipalu da. ² Gug tamol a in dalawan lo mok iladu dan, in sipsip sad titianek tamol mok. ³ Dalawan san titianek tamol in tamol en dalawan ipasi pani da. Ago dugo sipsip dam inaned tamad awan dulon da. Agop saen in yanad atem ipatep, igiai tap, in awan dulon pe, nien aban fo kuai te dilasa wa. ⁴ Aria, saen in kuai te dilasa itout dop, in tamad imug yau dop, nien aban fo diau a, man dugo, in tamad awan dulon uyanan a. ⁵ In tamol sen ak ta diganurip diau san man tia geig a. In awan ta dulon uyan na yak ninen o direr pe dusol diau a.” ⁶ Jesus ru fa nan an ago ibol irupudai a, ago gug in san ru an fun ta dulon na ya.

Jesus in sen sipsip sad titianek tamol mok a

⁷ An ninen o Jesus fon igo ibol, “Nai ru rumok nurupaian da. Naiseg mi, nai sipsip sad ar san dalawan. ⁸ Tamol fidian a nai gamugo nupalu dugo,

in̄ imug dupalu na yan, in̄ gumagam tamol. An nin̄en o sipsip in̄ awad ta duloŋ na ya. ⁹ Nai mi dalawan. Ta in̄ nai lo iladu dan, in̄ patu pasek in̄anep imado uyan a. In̄ nai lo iladu ilasa dop, anan̄ yani uyan a. ¹⁰ Gumagam tamol man in̄ igam o, sipsip ifu dumat o, mala suek kagin mi igane wo ipalu da. Gug nai man n̄aineg sipsip kumaen n̄upidinaip, kumaen an ago in̄ lo awan isap, yen san nin̄en o n̄upalu ya.”

Jesus in̄ sipsip sad titianek uyanan a

¹¹ “Nai sipsip sad titianek uyanan mok a. Titianek tamol uyanan mok man, in̄sinan tinin in̄anen sipsip nin̄edi wo igane idug imat a. ¹² Tamol in̄ urat naon in̄ane wo mi, urat igane dan man, in̄ titianek tamol mok tia ya. In̄ sipsip sad tamadi dam tia ya. Ago yak nin̄en o goun kasik ipalu dop, in̄ irer pe sipsip ibisawai yau a. Ago dop goun kasik an sipsip ifu iratitalaip, dufurak diau a. ¹³ Fun dugo isol yau ak i? In̄ nek tamol ta moni nam diabi dan mi a, tamol naok ago yak sipsip o ta ilon isou na da.

¹⁴ Nai sipsip sad titianek tamol uyan a. N̄aineg sipsip n̄aloŋ do, in̄ nai duloŋ a, ¹⁵ nek ibol Bai nai ilon dugo, nai in̄ n̄aloŋ ago mi a. N̄aiseg tinig en sipsip nin̄edi wo n̄ubusei idu wa. ¹⁶ Nai sipsip malan taida mi sad tamad, in̄ ar en san tia ya. Sipsip an dam n̄an̄al n̄upalup ar en lo diladu wa. In̄ dam nai awag duloŋ a, ago dop man sipsip malan kisaek ak, agod in̄aned titianek tamol dam kisaek a. ¹⁷ Bai nai nin̄eg o imat mok dan san fun man, n̄aiseg tinig n̄ibisei wak gup, fon n̄in̄ane da wa. ¹⁸ Tamol ta in̄ nai iginiag n̄amat san man tia ya. Tia, n̄aineg ilog

ibol ak atem n̄aiseg tinig n̄ibisei pidinai a, ago gup fon n̄injane da wan san dabai n̄ai tuog lo yen da. Bai sen n̄ai ago n̄igane wo ibol a.”

¹⁹ Juda adi ru an dulon̄ go fon ditarpaleg malan uraru dilasa ya. ²⁰ Tamolpein wei mi igo dubol, “Ur saiak in̄ lo imado dugo, burau ifunig ru n̄in̄eo ibol da. Ata wo in̄san ru talon̄ dak i?”

²¹ Gug aenta igo dubol, “Ru naok ago yan, tamol enti in̄ lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon aban̄ dile san idaisuda yak i?”

Juda adi Jesus nin̄en o ilodi ta rumok na ya

²² Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya. ²³ Nal an lo Jesus tempel san tumanek aben lo, Solomon san Madok Aben dubol dan te itor a. ²⁴ Ago dugo Juda adi dufutani dulubanig igo dubol, “Nal san̄eptap on̄ enti mok an kuai tem ubol dop malon̄ ak i? On̄ Kristus dop man, kuai tem ubol dop malon̄.”

²⁵ Jesus awad yabig igo ibol, “N̄ai an̄ n̄urupaian̄ la ya, ago gug an̄ ilom lo ta rumok na ya. N̄ai urat girager a fidian Bai yañan lo n̄igane se yan, amaiak n̄ai fug mok kuai te igane ilasa dugo ale ya. ²⁶ Gug an̄ an̄anem ilo rumok n̄ai lo ta agane na yan san fun man, an̄ n̄aisag sipsip tia ya. ²⁷ N̄aisag sipsip n̄ai awag dulon̄ dak, n̄ai in̄ n̄alon̄ a, agod in̄ n̄ai n̄ieg aban̄ diri da. ²⁸ N̄ai kumaen̄ pempem san n̄upidinai a, an̄ nin̄en o in̄ pempem ta dideg diau na wa. Tamol ta n̄aisag sipsip n̄ai banig lo ipasaip diau san tia geig a. ²⁹ N̄ai Tamag enti a sipsip an̄ ipanag dan in̄sen mel aenta fidian irin̄anai geig a. An lo

tamol ta naineḡ sipsip n̄ai Tamag banin lo ipasaip diau san dam tia ya. ³⁰ N̄ai Tamag da fuma kisaek a.”

³¹ Ago tag Juda adi fon pat duburoug, dufuni imat o da. ³² Ak man Jesus irupudaig ibol, “N̄ai Tamag wagen lo kulob girager tubun geig ak wei mi n̄ukubiaig ale ya. Kulob girager an lulunad lo kulob dugo yak niḡen o amoi dop, an lo pat nam n̄ai afunag o abol di?” ³³ Juda adi ru naon igo dubol durupe, “Man on kulob girager ak gane yan ta niḡen o mufuno wo iloma ago ta yen na da. Tia, fun man on tamol kawan gug on onse Anut ubol da! An niḡen on Anut yan̄an wabi idu da.”

³⁴ Jesus ru naon irupudaig ibol, “Alon, an̄sam kubiaen̄ yen dan lo Anut san ru ta igo ibol, ‘N̄ai igo n̄abol, an̄sem tubud a.’ ³⁵ Alon, Anut in̄san ru girek an lo, tamolpein a in̄san kubiaen̄ diḡane yan, irupudaig igo ibol, ‘an̄sem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nuḡon an tia kawan yen san tia ya. ³⁶ Ago yak niḡen o, ‘N̄ai Anut Nanun’ ago n̄abol tap, en ata wo n̄ai Anut yan̄an n̄abi idu dak ago abol di? An̄sam ilo saiak fun tia ya. Ata wo n̄ai tamol kawan ak ago ilom isou di? Anut sen n̄ai ipilianag go tan na iginiag n̄adu yan an ta alon na yak i? ³⁷ Urat a n̄aineḡ Bai igane dan n̄ai dam urat kisaek mi niḡane da. Isop an rumok tia tap, an n̄aisag ru an ilom lo ta rumok na wa. ³⁸ Ak man rumok, n̄ai in̄anen urat niḡane da. An niḡen o gidad, an n̄aisag ru ilom lo ta rumok na yak abol bo man, kulob girager niḡane dugo, ale yan fidian an niḡen o, an n̄ai o ilom rumok a. An lo dop an ilo girek aganep, alon uyan ak igo, Bai n̄ai

lo imado dak, ηai Bai lo ηumado da.” ³⁹ Inj ago ibol tag Juda adi fon diabi wo digane, ak man inj banid lo ikisaluk ilasag yau a.

⁴⁰ Jesus fon you Jordan lo yaug, ituteg, aen ate aben a wagem Jon tamolpein isuguai na yan ante ilasag imado se ya. ⁴¹ Ante tamolpein wei mi inſan na diaug igo dubol, “Rumok, Jon inj kulob girager ta kisaek igane man tia ya. Ago gug Jon tamol en niſen ru fidian ibol na yan man ru rumok a.”

⁴² An niſen o saen Jesus aben ante imado yan, tamolpein wei mi inj niſen o ilod lo rumok a.

11

Lasarus imat a

¹ Tamol ta yaſan Lasarus, inj subam aman da ya. Inſan lun man Maria inj Marta da, inj man panu Betani san tamol. ² Maria nek amaiak murnap Jesus niſen gureſ yamisip, gumuran roun sen nam isasi wa. ³ Man niſen o lun uraru an Jesus san na ru digane yau a. Agog ago dubol durupe, “Tubun en, tamol e oſ niſen o umat den inj subam ifuni a.”

⁴ Jesus an ilonj go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate yaſan diabisa san. Nek kulob an lo Anut Nanun dam yaſan tubun ak inane wa.” ⁵ Jesus man Marta, tein Maria, lud Lasarus da niſedi wo tubun mi imat da. ⁶ Aria, inj Lasarus subam ifuni dak san ru an ilonj ak man, panu ante nal uraru taida imado ya.

⁷ Murnag megeloum adi ago irupudai, “Id Judea distrik lo fon tamul tau a.” ⁸ Megeloum durupeig dubol, “Girek maſau, nor wari na geig Juda adi oſ

lo pat dubal o digane ya. Gug onj fon ante umul wau o ubol di?”

⁹ Jesus awad yabig, ru tuaneke igo ibol irupidai, “Ilalan san saen an yaup gurai isi dop, an nal kisaek igo ya. Tidom idu san gamugo da. Ta in ad lo itor dan, in tan en san ilalan an ile dop, in nien isuep, yau idu san tia ya. ¹⁰ Ago gug ta in tidom lo itor dan, in lo ilalan tia yak ninen o nien isuep, yau idu wa.”

¹¹ Jesus fon mi igo ibol irupudai, “Idsad turad Lasarus yen padal a. Gug naj njaup, njufufunip imasa wa.”

¹² Ru an dulon tag megeloum durupeig dubol, “Tubun en, in yen dan ubol man, fon ka imasa dap uyan a.” ¹³ Jesus Lasarus imat la yak ninen o ibol da. Gug megeloum adi Lasarus yen padal dak ninen o Jesus ibol ago dubol a.

¹⁴ Ago yak ninen o Jesus kuai te ibol irupudai, “Lasarus imat la ya. ¹⁵ Gug naj ante ta njumado na yan ninen o ilog uyan. Man dugo, en an ibinawan dop naj njege o ilom lo rumok a. An ninen o in san na taup tile wa.”

¹⁶ Agog Tomas, in yan an neinta Didimas dubol dan, in megeloum aenta irupudai, “Gidad taup, id Jesus da sisem tamat a.”

Jesus in sen tamolpein a kumaen dumasa wak sad tamadi

¹⁷ Jesus yang ilasa dugo, in Lasarus nal iwoiwo gib lo yen an san ru ilon a. ¹⁸ Panu Betani man kitek Jerusalem sumeikan a, kilomita utol igo won yen da. ¹⁹ Juda tamolpein wei mi Marta Maria da ludi imat ak ninen o dabai dupidinai o dususa ya.

²⁰ Saen Jesus ipalu dan Marta ago ilon tag, imasag dal na ile wo yau dugo, Maria in ab lo imado se ya.

²¹ Marta Jesus irupei, “O Tubun ak, on ente mado yak man, naine lug en imat san tia ya. ²² Ago bo man nai nalon ak, on mel ta ninen o Anut gudani dop man, en fidian ka ipano wa.”

²³ Jesus Marta irupeig ibol, “Onane lu fon kumaen imasa da wa.”

²⁴ Marta awan yabig ibol, “Rumok, nai nalon la ya, nal wadan lo gup Anut tamolpein fidian ifufunaip dumasawa. An ninen o nal an lo dop nai lug dam fon imasa da wa.”

²⁵ Agog Jesus igo ibol irupei, “Nai mi, nai tamol fon imasa da wan san taman, nai mi kumaen san taman. Gidad talpein enti a nai o ilon lo rumok dan imat bo man, in kumaen imasap imado wa.

²⁶ Agod dam, talpein enti a gamugo imat dugo nai o ilon lo rumok dan, in pempem matej ta ile na wa. On an o ilo rumok aki?” ²⁷ Marta irupei, “Awo, Tubun en. Naisag ilo rumok nek igo, on Kristus, on Anut Nanun. On tamol nek emaiak tan ente palu wo Anut ibol a.”

²⁸ Marta ago ibol go yaug, tein Maria yabig irae ipalug, kisik kisik nam kududon lo ininjen go ibol, “Girek manau ipalug, imado da. In on ilio wo ibol a.” ²⁹ Maria ru an ilon tag, ririan imasag, Jesus san na yau a. ³⁰ Jesus panu ante gamugo ilasa ya, tia, aben a imug mi Marta da dutumani ante mi imado ya. ³¹ Tamolpein a Maria da ab lo ditatad dumado se yan, Maria imasa kisaek on go kuai te ilasa dugo dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

³² Maria Jesus aben a ate imado se yan ate yang ile man, njen fun na yau idug irupei, “Tubun en, on ente mado yak man, njaineg lug en ta imat na wa.”

³³ Tamolpein dupalu yan Maria dida ditata dugo Jesus yil a. An njenen o ilon itau idug materj njenen o ilon idu geig go ilon tubun mi muruan a. ³⁴ Ago dugo isumianai, “Anj Lasarus dugon te aganeg yen dak i?”

Agog durupei, “Tubun en, palup ule.”

³⁵ Agog Jesus tinañ ifunig malan turon idu ya.

³⁶ Ago dugo tamolpein dubol, “Ale, Jesus tamol an njenen o tubun mi imat a.” ³⁷ Ago gug aenta igo dubol, “Tamol nek en tamol malan itau ak ikubuneg malan fon ipuk a. Gug ata wo inj tamol en san materj an yabituani san ta idaisuda na yak i?”

Lasarus fon kumaen imasa ya

³⁸ Aria, Jesus fon ilon itau idug mutou fun na yau. Mutou an inj pat gubaran tubun ak ilon lo diganeg, pat sen ak nam awan dibaltuani a. ³⁹ Jesus ibol, “Pat en apasi.”

Marta, tamol a imat amaiak lun, igo ibol Jesus irupei, “Tubun en, inj imat go nal iwoiwo yau la ya. Ago yak njenen o mumalun iwen saian da.”

⁴⁰ Ak man Jesus irupei, “Imug mi njai onj njurupaio la ya, onj ilo lo rumok dop man, onj Anut san dabai girager anda yan ule wa.”

⁴¹ Ago tag pat dupasig Jesus malan lak na yabisag, abañ ile dugo ibol, “Bai, onj njaisag gudanek ulonj la yak njenen o per njupano da. ⁴² Njai njalonj ak, onj nal fidian njaisag gudanek ulonj da. Gug

ñai ru en fon ñabol pe, tamolpein e ditur den dulon dop, onse ñai dinag go ñupalu yen ilod lo rumok a.”

⁴³ Ru ago ibol go awan tubun mi iwagin, “O Lasarus, masap, kuai te lasa!” ⁴⁴ Ago tag tamol a imat la yan imasag, ñien banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, “Yamel agali idu dop yau.”

Juda sad gurman adi Jesus palan an dumari a

Mat 26:1-5; Mak 14:1-2; Luk 22:1-2

⁴⁵ An ninen o Juda wei mi Maria dile wo dupalu yan, Jesus kulob girager igane yan dileg, an lo Jesus ninen o ilod rumok a. ⁴⁶ Ago gug aenta man Farisi adi sad na diaug, Jesus kulob igane yan naod na dubol ilasa ya. ⁴⁷ Ago tag pris gurman adi, Farisi adi dida kaunsil digiaig dutumanig igo dubol, “Id dugo tigane wak i? Tamol an kulob girager wei mi igane da. ⁴⁸ Id in tilefuni dop man, in ago mi igane yaup tamolpein fidian in ninen o ilod rumok a. Agop Rom adi dupalup, idsad tempel dipitinini wa. Agop id diabituanad dop in sed mi sed ipilianaip Juda sad tamol gurman igo dumado wa.”

⁴⁹ Ak man in lulunad lo ananar en san pris malan te yak ta imado ya, in yanar Kaiafas amaiak igo ibol, “An ilo girek amam tia geig a! ⁵⁰ Gidad, tamol kisaek an mi imat dop, tamolpein fidian muruan dinane san tia ya, an uyanan a. Kabelan id fidian tadeg tau banau.”

⁵¹ Gug Kaiafas insinanen ilo sou lo mi ago ta ibol na ya. Tia, in ananar en san pris malan te ya, an lo in profet ru igo won Jesus imat pe Juda tamolpein

fidian abed inane wan ninen o ibol a. ⁵² Gug in Juda adi mi wo ta ibol na ya, tia, in Anut san tamolpein aben gidigheid dumado dan ninedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da. ⁵³ Aria, nal a ipalu dan lo, Jesus palañ an dumarig dufunip imat o dal abañ dile se ya.

⁵⁴ Fun an ninen o Jesus afon malak malak Judea distrik ilon lo ta itor ila iso na ya. Tia, in ibisawaig yaug, tan kawan ak girañen na panu nanun ta yañan Efraim dubol dan te inanen megeloum dida dumado na ya.

⁵⁵ Aria, Juda sad nal tubun ak Pasova tumanek dubol dan sumeik a. An ninen o panu sensen an san doup wei mi dupalug Jerusalem na dutumani a. Man dugo, in sed ikubuniaip Anut malan lo in ikok dilasa san ninen o ago digane ya. ⁵⁶ In Jesus abañan diabig tempel lo dutur dugo, nug dusumiani se ya, “An ilom dugo isou da, in ipalup, tumanek tubun en ile wak i? Tia, tia yak i?” ⁵⁷ Ago dugo gurman adi Farisi dida awad kisaek mi dutumanig, tamolpein fidian ru kagin durupidai. Ta in Jesus dugon te imado dan ile ilon tap, gidad, kuai te ibol ilasa dop, diaup diabip, diñane dupalu wa.

12

Maria Jesus gureñ nam njen yamisi a

Mat 26:6-13; Mak 14:3-9

¹ Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus

tamol a mutou lo ifufunig imasa yak san panu. ² In panu ante anan̄ diabig, Jesus dida diani a. Ago dugo Marta man in̄ anan̄ isire idug iwae ipidinai a. Lasarus man tamol dida dumasig, Jesus dida anan̄ diani se ya. ³ Ago dugo Maria in̄ guren̄ uyanan̄ geig, naon lak na geig ak in̄aneg, ate Jesus n̄ien yamisig, in̄sinanen gumuran roun nam isasi a. Ago dugo guren̄ an san mumalun ab an in̄anefute ya.

⁴ Megeloum ta, Judas Iskeriot tamol a murnap in̄ Jesus ager banid lo igane wan, ago ile tag igo ibol, ⁵ “Dugo, id guren̄ an didaen̄ tamol tupidinaip, naon pat tubun mok ak* tin̄anep bigabeg adi ka tupidinai a. Ata wo id ago ta tigane na yak i?” ⁶ Ago man in̄ ru a ibol an bigabeg adi niñedi wo ilon ta isou dugo ibol na ya. Tia, in̄ gumagam tamol, ago tag in̄ Jesus megeloum dida sad moni badam ititiani pidinai dugo, ante moni aenta in̄sen niñen o igam na ya.

⁷ Man niñen o Jesus ibol, “Amoi dop, gidad, pein en ka alefuni on̄ a, man dugo, in̄ n̄ai disiriag san nal niñen o ago igane da. ⁸ Bigabeg adi an̄ dida pempem amado da, gug n̄ai man tia ya.”

⁹ Jesus panu ante imado dugo, Juda doup tubun an dulon̄ tag, in̄san na dupalu ya. Gug in̄ Jesus mi dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya. ¹⁰ Ago tag Juda sad pris gurman adi in̄ Lasarus dam dufunip imat san palañ an dumari se ya. ¹¹ Ata wo? Lasarus niñen o, Juda wei kasik pris

* **12:5:** An nek ibol tamol kisaek san urat naon anan̄ar kisaek in̄ane dak igo won̄ a.

awad diparsisali dugo dibisawaig, Jesus diganuri wo diau dugo, in ninen o ilod rumok a.

*Jesus in Kin igo won Jerusalem na iladu ya
Mat 21:1-11; Mak 11:1-11; Luk 19:28-40*

¹² Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, in Jesus Betani ibiseig Jerusalem na ipalu dan dulon. ¹³ An ninen o diaug, pator raen dulusunig, dal na dile wo diau. Agog in duyunani dugo igo dubol duwagin,
“Hosana, per mupano da!

Tamol Anut yan an lo ipalu den bar inane ya!
O Isrel sad Kin, on bar nane ya!”

¹⁴ Jesus imug donki nanun ta ileg, fufo isudag imadog ipalu ya. An ninen o ru a profet ta igire yan nunon ilasa ya.

¹⁵ “O Saion san tamolpein, an arer man amoi.

Ale, ananem Kin gamu an sam na ipalu da.

Donki foun ak fufo na imasig imado dugo ipalu da.”

¹⁶ Imug mi megeloum adi girek an fun ta dulon na ya. Murnag, Jesus lak na yang yanak tubun ak inane dugug, ru Anut san buk lo, mel en agod muruan dugo dugo Jesus dupani an ninen o, dusutig kankan ipidinai a. Saen ru an dusuti an lo, dulon uyan ak, ru kulob a fidian gubak mi dile yan ninen Anut san buk lo yen la ya, ago dugo nunon ilasa yan in sed malan nam dile ya.

¹⁷ Nal an tamolpein doup wei mi Jesus dida dumado dugo, in Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan ninen o ru duwaeg yang

fidian duloŋ a. ¹⁸ Tamolpein Jesus kulob a igane yan san ru duloŋ tag, diaug dal na dile ya. ¹⁹ Man niŋen o Farisi adi inŋsed mi diŋiŋeŋ go dubol, “Ale. Idsad palaŋ marek san urat an nuŋon tia ya. Tan tilianek sad tamolpein fidian inŋ diganuri wo diau da!”

Grik aenta Jesus dile wo dubol a

²⁰ Tamolpein Jerusalem na nal tubun an dile wo dupalu dugo, Grik aenta inŋ dida diau a. ²¹ Grik adi an inŋ Filip san na diau. Filip man Betsaida tamol, Galili distrik lo yan, inŋ dusumiani, “Tubun en, maŋ Jesus mile wo mupalu ya.” ²² Man niŋen o yaug, Andru irupeŋ go inŋ Filip da diaug Jesus durupeŋ a.

²³ Jesus uraru an sad ru naon igo ibol, “Tamol Nanun inŋ yaŋak tubun inŋane san saen sumeik a. ²⁴ Rumok geig ŋai anŋ ŋurupaian da, ananŋ patun ab lo ka yen dop, tan na ta idup imat na tap, man inŋsen kisaek mi yen a. Ak man, tan na idup imat tap, inŋ nuŋon wei mi ifu wa. ²⁵ Talpein inŋsen tinin mi tan na kumaen imado wo imat dop man, inŋanen kumaen mok an ibisei a. Gug tamol ta inŋanen kumaen tan en lo yabi idu dop man, murnap inŋanen kumaen mok inŋanep, pempem mi ago yen yau a. ²⁶ Talpein enti inŋ ŋaisag urat igane wo ilon yen dop man, ŋai ŋieg aban iri wa. Ago dop urat aben a ante ŋai ŋumado dan, ante mi ŋaisag urat tamol dam ŋai da mumado wa. Agod talpein enti ŋaisag urat yabi dan, Bai Anut yaŋak tubun ak inŋ ipani wa.”

Jesus inŋsan materŋ niŋen o kuai tem ibol a

²⁷ Jesus fon mi igo ibol, “Gamu ηai ilog tubun mi muruan da. Man ninen o, ηai dugo ηabol ak i? Bai, muruan e gamu ηai lo ilasa wo den oη ka wabituani wak i? Tia geig a, ηai muruan emaiak ηisini wo ηupalu ya. ²⁸ Bai, gidad oηsa bunu uyan uyan ak kubiai dile!” Jesus ago ibol dugo, Anut awan lak na idug igo ibol, “ηai yanηag ηiganeg tubun la ya. Gug fon ηiganep, tubun geig a.” ²⁹ Tamolpein sumeikan dutur an, ru an duloη, agog aenta “weil ifu dak” dubol, ago dugo aenta man “eηel ta Jesus irupeī dak” ago dubol a.

³⁰ Jesus ibol, “Ru e ibol ipalu den ηai ibinawag san tia, aη ibinawaη o ipalu ya. ³¹ Gamu Anut tan en san tamolpein kot ipidinai dop, iη tan en san gurman Satan an ikudip kuai te ilasa wa. ³² Gug ηai man, murna gup dibiagsap dusuηanag a. Nal an lo man ηai tamolpein fidian ηiraup, ηaisag na dupalu wa.” ³³ Ru amaiak ibol an lo, iηsen dugo woη imat o dak kuai te ibol ilasa ya.

³⁴ Ago dugo tamolpein awan diabig dubol, “Maη kubiaeη ilon lo girek igo musuti a, Kristus man iη pempem imado wa. An lo, ata wo oη Tamol Nanun diabisap dusuηani wak ubol di? Tamol Nanun emaiak enti mok i?”

³⁵ Agog Jesus igo irupidai, “Saen katukan mi aη ilalaη da amado wa. Ago yak ninen o aη ilalaη en lo mi ator a. Kabelan tidom tubun ituanη banau. Tamol tidom lo itor dak man, iη aben dugon te yau dak iηa oη a. ³⁶ Gamu man aη ilalaη am da ya. Ago yak ninen o, ilalaη en aη da amado dugo, aηanem tini ganei iη lo agane. Agop aη ilalaη san nanun muroun mi alasa wa.” Jesus ru ago irupidaig itout go ibisawaig, malad lo imianuk go yau a.

Juda adi Jesus niŋen o ilod lo ta rumok na ya

³⁷ Jesus kulob girager an fidian Juda adi naod na igane dugo dile ya, ak gug in niŋen o ilod ta rumok na ya. ³⁸ An niŋen o profet Aisaia san ru nuŋon ilasa ya. Aisaia in gubak mi geig igo ibol,

“Tubun en, ensauta idsad ru ilod lo rumok ak i?

Tubun en, ensauta oŋ tuo kubiai pidinai dugo dile yak i?”

³⁹ In Jesus niŋen o ilod rumok o dumoi, an san fun igo ya. Aisaia ru ta igo igire,

⁴⁰ “Anut idiraig malad itau an dilasa ya, inaned ilod dam iganeg dabai geig a.

An lo in maladi nam aban dile san tia ya,

ago dugo ilodi nam manau diŋane san dam tia ya,

taida mi, in didanŋa san tia ya,

tia dop, in ilod ibilisa tap didanŋa dop ŋai ŋukubuniaia.”

⁴¹ Aisaia ago ibol an san fun igo ya. In Kristus san girager tubun geig ak ile dugo, in niŋen o ibol ilasa na ya.

⁴² Ak man gurman aenkadi in o ilod rumok a. Ak gug Farisi niŋedi wo direr go inaned ilo rumok dimiani dugo, kuai te ta digane ilasa na ya. Juda adi dukudaip inŋad ubou ab patun fo dilasa wak niŋen o direr a. ⁴³ Man dugo, in tamol dipitianai o dumat geig da, gug Anut ipitianai o man dumoi da.

⁴⁴ Agog Jesus isasai go awan tubun mi iwagin, “Tamol ta ŋai o ilon rumok dan, ŋai niŋeg o mi ilon ta rumok na da. Tia, Bai a ŋai idinag go ŋupalu yan dam niŋen o ilon rumok da. ⁴⁵ Nek ago mi, ta ŋai iliag dan, in ŋai mi ta iliag na da. Tia, in Bai a ŋai

idinag go n̄palu yan dam ile da. ⁴⁶ N̄ai tan ente sul igo won̄ n̄palu ya. Man nin̄en o tamolpein ensauta n̄ai o ilod rumok an, tidom tubun lo ta dumado na wa.

⁴⁷ “Ak man, ta n̄aisag ru ilon̄ gug ta iri ipani na man, n̄ai tamol an bitinaek lo ta n̄igane na wa. Man dugo, n̄ai ago n̄igane wo ta n̄palu na ya. Tia, n̄ai tan en san tamolpein patud n̄pasi wo n̄palu ya. ⁴⁸ Ta in̄ n̄ai imoi dugo n̄aineg ru ta in̄ane na dan, ru e n̄abol den man in̄san bitinaek tamol on̄ imado wa. Man dugo, ru e n̄abol en, saen wadan lo gup, ru an mi in̄ ibitinae dop yabi idu wa. ⁴⁹ Man dugo, n̄aiseg ilog nam ru ta n̄abol na da. Tia, Bai n̄ai idinag go n̄palu yan in̄sen ru kagin igo ipanag a, ata ru n̄abol ilasa wak, agod dal dugon lo tamolpein naod na n̄in̄in̄en̄ an dam irupaiaḡ go n̄alon̄ a. ⁵⁰ N̄ai n̄alon̄ ak, talpein enti Bai san ru kagin ilon̄ dop iri dan, kumaen pempem yen san in̄ane wa. Amaiak nin̄en o, ru dugo dugo n̄abol ilasa dan, ru nek en Bai imug mi ago n̄abol o ru kagin ipanag a.”

13

Jesus megeloum n̄iedi ifulani a

¹ Pasova ad nanek tumanek gamugo ilasa dugo, Jesus tan en ibiseip Taman san na yau san saen sumeik an ilon̄ a. In̄anen tamolpein tan en lo dumado den ilon̄ ipidinai a. An nin̄en o gamu in̄san ilo panek tubun a in̄ nin̄edi wo yan ikubiaip dile san ago ilon̄ yen da.

² Jesus megeloum dida anan̄ diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus in̄san ager banid lo igane wo ilon̄ ibali a. ³ Aria, Jesus ilon̄

ak, Taman mel fidian in tuon lo idiri a, agod Anut sen idinig ipalu gug, fon imul Anut san na yau o an dam ilon a. ⁴ Ago tag, in anan gigin na igane dugo, imasag madid san kulos itabug go, yamel ta inaneg luan ate ipulau a. ⁵ Agog you daeg lo ikulmaek go fun iganeg megeloum niedi ifulani a.* Agog yamel ipulau an ate niedi isasi a.

⁶ Aria, in Saimon Pita san na ipalu dugo, Pita ilon weiwei dugo isumiani, “Tubun en, on nai njeig fulani wo di?”

⁷ Jesus awan yabig ibol, “Nai mel gamu njigane den on fun ta ulon na ya, ak gug murna gup on ulon fufei wa.”

⁸ Gug Pita ibol, “Tia, on nai njeig fulani san man namoi geig a.”

Jesus ru naon irupei, “Gidad nai nfulano wa, tia dop, on nai muroug lulunad lo mado san tia ya.”

⁹ Ago tag Pita irupei, “Tubun en, mago tap, nai nejig mi ta fulani na wa, tia, banig gumurag da sisem fulanai.”

¹⁰ Jesus ru naon irupei, “Tamol enti sen tinin fidian isug la yan man, tinin ikok a. An ninen o njen mi ifulani wa. An ilom tinim fidian nai lo ikok alasa la ya. Gug an lulunam lo tamol kisaek imado duman ta ikokan na ya.” ¹¹ Jesus tamol enti ager banid lo igane wan ilon la ya. Fun an ninen o, “an lulunam lo tamol kisaek imado duman ta ikokan na yan” ago ibol a.

¹² Aria, Jesus niedi ifulanig itout go, inanen kulos fon iganeg imasig, isumianai, “Kulob a an lo njigane yan fun alon i? ¹³ An nai Girek Manau, agod Tamol

* **13:5:** Urat bigabeg mi urat naok ago yak digane ya.

Tubun ak abol da. Man an abol mok da, man dugo, nai tamol naok nek ama ya. ¹⁴ Aria, nai nek ananem Tubun ak, Girek Mañau igo dam numado bo man, nai an niem nfulani a. An ninen o an dam ansem nugnug lo niem afulani wa. ¹⁵ Nai man an sam mitilaen igo won, nai nigane ago mi ansem nugnug lo ago agane wa. ¹⁶ Nai rumok nurupaian da, urat pinein ta inanen tamol tubun ak ta irinani na wa. Nek ago mi tamol enti urat lo yau dan, in san tamol tubun ak a idinig yau an ta irinani na wa. ¹⁷ Aria, an gamu mel an fidian alon a. An kagin naok ago yan ari dop man, Anut san bar anane wa.

¹⁸ “Ak man, ru an an fidian mi ninemi wo ta nabol na da. Tia, nai tamol ensauta a nupilianai an nalon a. Nai ru ago nabol, an lo Anut san ru inanen buk lo yen dan nunon ilasa dop ale wa. Ru an ibol, ‘Tamol ta in nai da sisem munuai dan, in nai iparfunag o nien gumin yabisa ya.’ ¹⁹ Gamu, saen kulob an gamugo ilasa dugo, nai an kulob an murnap ilasa wan nurupaian da. Man ata wo? Saen kubol an ilasa dop, Naiseg, Nai

Numado Dan† an ilom lo rumok a. ²⁰ Nai ru rumok nurupaian da, nai urat tamol adi nidiraig diau a. Talpein enti a naisag urat tamol inane dan, nai injiliag da. Ago dugo talpein enti nai injiliag dan, in Bai enti a nai idinag go nupalu yan dam inane da.”

Jesus Judas san aupasek kuai te igane ya

Mat 26:20-25; Mak 14:17-21; Luk 22:21-23

²¹ Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nunon

† **13:19:** Jesus ru fanan an lo in Anut an ipitejanai da.

mi nurupaianj da. Anj luluŋam lo ta kisaek man inj ŋai ager tamol banid lo iginiag ŋiladu wa.”

²² Inj ago ibol dugo, injanen megeloum Jesus ru an lo enti isue dan diŋaonj geig a, an niŋen o sed nug dile yau imul dugo awad itau dumado ya.

²³ Megeloum a Jesus niŋen o tubun mi imat dan, inj giranjen na ida sisem dumado, ago dugo ²⁴ Saimon Pita naon itad panig igo irupej, “Jesus sumiani dop enti niŋen o ibol dan, ibol pe talonj.”

²⁵ Agog megeloum an tinin Jesus titiren fo isapek go isumiani, “Tubun en, enti niŋen o ubol di?”

²⁶ Jesus ru naon irupej, “Ŋai bret tuor lo ŋisominip, ŋupani dop, anj alonj ak, nek tamol ama ya.” Jesus ago iganeg Judas, Saimon Iskeriot nanun, bret an ipani a. ²⁷ Judas bret an injane dugo, Satan ilon lo iladu kisaek onj a.

Jesus irupejg ibol, “Mel a gane wo ilo ibol dan gane kisaek onj.” ²⁸ Gug megeloum aenta dida ananj diani dan, ru a ibol an san fun mok ta dulonj na ya. ²⁹ Judas man inj moni san badam kagin ipani na yan niŋen o, Jesus irupejg soubul tubun an san melmel ta idad o boi, tia, bigabeg adi ibinawai o boi, ago ilod isou a. ³⁰ Aria, Judas ananj an injaneg imasag, ririan kuai fo ilasag yau a. Saen an tidom idu la ya.

Kubiaenj foun ak

³¹ Judas yau la gug, Jesus igo ibol, “Gamu en Tamol Nanun inj yanjak tubun ak injane san nal idu ya. An lo dop, Anut dam ŋai lo yanjak tubun ak injane wa. ³² Aria, Anut ŋai lo yanjak tubun mi injane dop man, ŋai inŋen lo yanjak tubun ak ŋinjane wa.

Kulob an in̄ ago igane saltik on̄ a. ³³ O nanug muroug, n̄ai an̄ da saen katukan mi tumado wa. Ago gup an̄ n̄ai aban̄ag abi wak gug ta aliag na wa. Nek ibol n̄ai Juda adi gubak mi n̄urupidai ak igo won̄, n̄ai gamu an̄ dam n̄urupaian̄ da, aben n̄ai n̄au dan ante an̄ au san tia ya.

³⁴ “N̄ai gamu kubiaen̄ foun ak n̄upanan̄ da. Kubiaen̄ foun ak igo ya: an̄ nug nin̄en o amat mok a. Nek ibol n̄ai an̄ o n̄amat dak ago mi an̄sem nug nin̄en o amat mok a. ³⁵ An̄ an̄sem nug nin̄emi wo amat dop man, an lo an̄ n̄aisag megeloum mok amado dan tamolpein fidian dulon̄ a.”

Jesus Pita in̄ nin̄en o itot ak o ibol a

Mat 26:31-35; Mak 14:27-31; Luk 22:31-34

³⁶ Saimon Pita Jesus isumiani, “Tubun en, on̄ dugon te wau wo ubol di?”

Jesus ru naon irupeig ibol, “Gamu aben dugon te n̄ai n̄au dan, ante on̄ palu san tia ya, gug murna dop man, on̄ ka palu wa.”

³⁷ Pita fon isumiani, “Tubun en, ata wo n̄ai on̄ da sisem tau san tia ubol di? Gidad, n̄aineg kumaen on̄ nin̄e wo ka n̄ubiseip, n̄ubinawo wa.”

³⁸ Ago tag Jesus igo irupeip, “O Pita, on̄ane kumaen n̄ai o bisei wo ubol dan, an rumok i? N̄ai rumok n̄urupaio da, on̄ n̄ai ulon̄ an utot saen utol dop, kurek ibob a.”

14

Jesus in̄sen mi tamolpein Bai san na diau san dal

¹ “An̄ ilom muruan dop kankan wei mi ta agane na wa. An̄ an̄anem tini ganei Anut lo agane ago mi n̄ai dam lo ago agane wa. ²⁻³ N̄aineg Bai san ab

lo man, galuŋ wei mi dien da. Nai ŋaup anjanem abem ŋukubune wa. Agod saen nai anjanem abem ŋukubune itout dop, nai ŋamul ŋupalup ŋiŋilian pe taup nai da sisem tumado wa. An niŋen o aben dugon te nai ŋumado dan, an dam ante amado wa. Ak mel an ago tia dop, nai kuai tem ka ŋurupaian alon a. ⁴Aben nai ŋau dan san dal an alon la ya.”

⁵Agog Tomas irupe, “Tubun en, on aben dugon te wau den maŋ ta malon na ya. An niŋen o dal an dugo man malon ak i? Tia geig a.”

⁶Jesus awan yabig ibol, “Nai mi dal, nai mi ru rumok san fun, agod nai mi kumaen san fun. Dal sen ta lo Bai san na au san tia ya. Nek nai lo mi a. ⁷An nai alon dop man, naisag Bai dam alon a. Nek gamu tumado yau den lo, an nai Tamag o anjaon dan ago ilom isou man amoi, man dugo, in alon agod ale la ya.”

⁸Filip irupe, “Tubun en, on Bai kubiai panama. An mi maŋ o idaisuda ya.”

⁹Jesus ru naon irupe, “Filip, nal milaen mi nai an da tumado ya. Ak dugo, en dugo won go nai enti mok an ta ulon na i? Ta in nai iliag an in Bai dam ile ya. An lo, enta wo nai Bai ŋukubiai panan o ubol di? ¹⁰Nag nai Bai lo ŋumado den, ago mi Bai in nai lo imado da, an ilo lo ta rumok na di? Ru e nai ŋurupaian den naiseg ilog nam ta ŋabol na da. Tia, Bai in nai lo imado den inanen urat nai lo igane ilasa da. An niŋen o in nai lo urat igane dugo, in san ru nai ŋabol ilasa da. ¹¹An gidad, nai Bai lo ŋumado dugo, Bai nai lo imado den, an ilom lo rumok a. Tia dop, nai kulob girager a fidian ŋigane na yan aleg kankan ipanan gup, an mi anjanem ilo rumok ka

igane ilasa wa. ¹² Nai rumok nurupaianj da, ta naj o ilon lo rumok dop man, inj urat fidian naj njigane yan inj dam nek ago mi ka igane wa. Agod kulob naok inj iganed an man melmel e naj njigane den irinjani wa. Man dugo, naj Bai san na naj da. ¹³ An mel ta ninjen o naj yanag lo agudani tap, naj mel an njigane pananj a. An ninjen o Nanun urat dugo dugo igane dan lo, tamolpein Bai yanjan tubun mi diabisa wa. ¹⁴ Ata mel anjane wo ilom ibol dan, naj yanag lo ka asumiaenj a, ago dop naj njigane pananj a.”

Jesus Urgun ipalu san ru an ibol a

¹⁵ “An naj ninjeg o amat mok tap, an najneg ru kagin ari apani uyanan a. ¹⁶ Agod naj Bai njugudani dop, inj Binawek sen ta ipananj pe, an da pempem amado wa. ¹⁷ Inj Awan Urgun, inj ru rumok ak san mi a. Tan en san tamolpein inj dinjane san tia ya. Man ata wo? Inj dile san tia ya, ago dugo inj ninjen o dinjanj. Ak man, an inj alonj la ya, man dugo, inj gamu anj da amado dak, murnap anj bubem ilon lo ilasap ante pempem imado wa. ¹⁸ Naj anj njubisawanj pe, tinam tamam tia yak igo wonj ta amado na wa. Tia ya, naj anjam na njupalup tumado wa. ¹⁹ Saen kitekan mip, tan en san tamolpein fon naj ta diliag na wa. Gug anj naj aliag a. Naj kumaen njumado dak ninjen o, anj dam kumaen amado wa. ²⁰ Nal an lo gup, naj Bai lo njumado dan, an naj lo amado dan, naj anj lo njumado dan alonj uyanan a. ²¹ Talpein enti a naj awag ilonj dugo iri dan, nek amaiak mi naj o imat mok da. Ta inj naj o imat dan man, Bai dam inj o imat da. Ago dop naj dam inj o njamat dop, naj seg njukubiaip ile wa.”

²² Agog Judas en turanein, Iskeriot tia yan, in Jesus irupei, “Tubun en, on ata wo man lo mi kuai te lasa dop, tan en san tamolpein lo tia wo ubol di?”

²³ Jesus ru naon irupei, “Talpein a nai ninjeg o imat dan, naisag pitenjanek fidian iri dop paed na imado wa. Ago dop Bai in o imat pe, nai Bai da sisem in giranen na mupalup, in da nal fidian mi mumado wa. ²⁴ Gug ta nai o ta imat na dop, in naisag ru dam iri dop paen na ta imado na wa. Ru e an kududom alon den man naisag tia ya. Tia, Bai in nai idinag go nupalu yan insan ru nabol da.

²⁵ “Gamu nai an da tumado dan lo, ru an fidian nabol ilasa dugo alon da. ²⁶ Gug Urgun, in ansam binawek mok a, Bai in nai yanag lo idinip ipalu wa. In mel fidian ninedi wo manau ipitenjanan a, ago dop iginian pe ru fidian imug nabol go alon na yan ilom isou a. ²⁷ Nai an nubusawan o dak ninjen o, naisag ilo maror nupanan pe ida amado wa. Ilo maror a nupanan dan man, tan en san tamolpein ka dupanan ak igo tia ya, tan en san ilo maror man ririan itout yau a, gug naisag man yen yau san mi a. Man ninjen o, an ta ilom weiwei dop arer na wa.

²⁸ “Nai ru nabol en alon la ya: ‘gamu nubusawan pe nau gup, ansam na fon namul nupalu wa.’ An nai o amat ak man, nai Bai san na nau dak ninjen o uyam isusa wa. Man dugo, Bai san yan an naisag yanag irinani a. ²⁹ Alon ak, nai Bai san na nau san saen gamugo dugo, an nurupaian la ya. Nai ago nigane yan san fun igo: murnap mel an ilasa dop, an nai o ilom rumok a. ³⁰ Nai ru taida milaen mi nurupaian san tia ya, man dugo, tan en san gurman Satan ipalu wo iton da. In nai ibiag nadu san man dabai

aman tia geig a. ³¹ Njai ilog man igo ya. Njai tan en san tamolpein fidian njukubiaip dile dop dulong uyanan ak igo, najai Bai o njamat a, ago dugo ata ru Bai irupaiag an mi njiri uyanan da.

Aria, amasap tau.”

15

Jesus inj ai wain mok

¹ Jesus irupudaig ibol, “Njai man ai wain mok. Njaineg Bai man abi wain san muroun. ² Njai raeg aenta nujon tia tap, abi muroun itartitip yabi yau a. Raen nujon anda yan ikubunep, didilan itute yau dop, ilunanip, ate nujon wei mi ifu dop yen a. ³ Ago gug ru najai njurupaian la yan lo an ipargalan go an ikok alasa ya. ⁴ Njai lo amado wa. Njai dam an lo numado wa. Ai raen a luan te ta isatuani na yak man, nujon ifu san tia ya. Nek ago mi, an dam najai lo amado wa, tia dop man, nujom ifu san tia geig a.

⁵ “Njai man ai wain. An man ai wain raen. Ta najai lo imado tap, najai inj lo numado dop, ate nujon ifu fufei wa. An najai lo tia yak man, ansem mel ta agane ilasa san dam tia geig a. ⁶ Talpein ta inj najai lo ta imado na dan, inj ai raen ibun ak igo ya. Ai raen ago man ditartitip, yai lo diabi yaup inani fufari yau a. ⁷ Gug an najai lo amado dop, njaisag ru an lo yen dop man, anjanem ilom ibol ak ago mi mel ninjen o asumianag dop, najai njupanan a. ⁸ Aria, an nujom wei mi afu yak man, ansem ibilan kuai tem alasag njaisag megeloum mok amado da, nek an lo Bai yanjan tubun geig ilasa wa.

⁹ “Bai inj najai ilon ipanag dak, ago mi najai an ilog njupanan da. An njaisag ilo panek lo mi amado wo

ilog yen da. ¹⁰ Njai Bai san ru kagin njuri njupani ak ninjen o, injsan ilo panek lo njumado da. Nek ago mi anj njaisag ru kagin an ari apani dop man, anj njaisag ilo panek lo mi amado wa. ¹¹ Ru ago njurupaianj dan anj alonj dop, njaisag uyasusai anj ilom lo yen o njabol da. Agop anjsam uyasusai an ilom lo anuap ida amado wa. ¹² Njaisag ru kubiaenj man igo ya, njai ilog njupananj ak ago mi anj nug ilon apani wa. ¹³ Talpein enti a inj turan ninjen o injsan kumaen imoi ibiseig imat tap, inj kagin fidian nug ninjen o tamat san irinjani a. Kagin an ilo panek san nujon mok a. ¹⁴ Aria, anj njai ru kagin njurupaianj an ari apani dop man, anj njaisag turag muroug mok a. ¹⁵ Urat pinein man inj injanen tamol tubun ak mel igane dan man inj ta ilonj na da. Ago yak ninjen o njai fon anj urat pinein igo njabol san tia ya. Man ata wo? Njai ru fidian Bai awan lo njalonj en anj njabol alonj pasik la ya, an lo anj njai fug fidian alonj a. Ago yak ninjen o anj njai turag muroug njabol da. ¹⁶ Anj imug njai ta apilianag na ya. Man tia. Njai anj njipiliananj go njaisag ak njabol la ya. Ago yan lo aup urat nujon agane ilasa san ago kob njupananj a. Ago dop anjanem urat an nujon yen yau a. An lo mel ta wo njai yanag lo Bai asumiani dop man, inj ka ipananj a. ¹⁷ Njaisag kubiaenj njurupaianj duman nek en, anj nug ninjen o amat mok a.

Tan san tamolpein Jesus san megeloum lo ager dumado da

¹⁸ “Tan san tamolpein anj o ager dumado dop man, njai o ilom isou. Njai ninjeg o imug mi ago digane ya. ¹⁹ Anj tan en san tamolpein sad muroudi dop man, anj ninjemi wo dumat pe, anj injsadi ak

dubol a. Ak man an tan en san tamolpein mok tia ya, tia, nai an npilianan go an naisag a. Fun amaiak ninen o tan en san tamolpein an lo siai digane wa. ²⁰ An gidad naisag ru imug nurupaian en ilom isou, urat pinein ta inanen tamol tubun ak ta irinani na wa. In nai diginiag saian tap, nek ago mi an lo dam ago digane wa. Ak dugo, in naisag pitenanek diri ak i? Tia geig a. Nek ago mi, pitenanek a an apidinai an dam ta diri na wa. ²¹ Nai nineg o an dilian saian pe kagin naok ago yak an lo digane wa. Man ata wo? Bai nai idinag go npalu yan, in ta dulon na ya. ²² Nai npalug, nurupidaig, insad aupasek kuai npuni dugo dile ya. Nai ta npalu na yak man, in aupasek amad da yan dulon san tia ya. Gug nai npalug, inaned saian kuai te nurupidaig dulon ak ninen o, gamu sad aupasek an dimiani san tia geig a. ²³ Ta in nai lo siai igane dan man, in Bai lo dam siai igane da. ²⁴ In lulunad lo nai kulob girager tubun geig ak ngane na ya. Tamol sen ta gubak mi ilasag kulob naok ago yan ta igane man tia ya. Nai ago ta ngane na yak man, Anut malan lo in aupasek amad tia wa. Ak gug, gamu in kulob girager an fidian dile la gug, nai lo, agod nai Tamag lo dam, siai digane dugo sama ager dumado da. ²⁵ Insad kagin, ru ta insad kubiaen lo digireg yen an iganeg nunon ilasa ya. Ru an igo ya, 'In sen kawan mok nai lo siai digane ya.'

²⁶ "Gug nai Binawek Tamol nganep idu wa. In Awan Urgun, ago dugo in dam ru rumok ak san fun. In Bai san na ilasap, an sam na ipalu wa. Agop in nai fug kuai te ibol dop alon a. ²⁷ Gug an dam nai fug tamolpein naod na afulalep dulon a. Man

dugo, saen ηai urat fun ηiganeg ipalug gamu en, an ηai da sisem tumado na ya.

16

¹“Muruan ipalu dop, anjanem ilo rumok an abi-sei banau o ru en ηurupaian da. ²Murnap Juda adi sad midaen lo au dop, an dukudan a. Rumok, nal idu dop, an dufunan amat a, nek dal an lo in Anut san urat dibinawi mok dak ago dubol a. ³Gug in man ηai Bai da ta dulon na yak ninen o ago digane wa. ⁴ηai ager ninedi wo ru kagin en ηurupaian alon a, an ninen o murnap an lo dugo digane dop, ru en ilom isou wa. Inug man ηai ru en ta ηabol go alon na ya, man dugo, ηai an da tumado na ya.

Urgun san urat

⁵“Ak man gamu gup ηai ηubisawan pe, Bai idinag go ηupalu yan san na ηamul ηau a. Gug an sam ta kisaek ηai dugo te ηau o dan ninen o ta isum-ianag na da. ⁶Gug gamu ‘ηai ηubisawan pe ηau o’ ηurupaian den ninen o an ilom isasau idu da. ⁷ηai rumok ηurupaian da, ηai an ηubisawan pe ηau o dan, an o uyanan a. ηai gidad ηau a. Ta ηau na tap, an Ur Binawek San an ta anane na wa. Ak man ηai ηau dop man, Ur Binawek San an ηiganep, an sam na ipalup, ida amado wa. ⁸Urgun ipalu dop, tamolpein ilod isafulalep, kagin saiak san fun, agod kagin itaot ak san fun dam dumunani fufei wa. Agod murnap Anut naon na ditur pe bitinaek lo idirai an san fun dam in sed ilod lo dukubiani wa. ⁹Inaned kagin saiak san fun man in ηai lo ilod ta rumok na ya. ¹⁰ηai Bai san na ηau dop, afon ηai ta aliag na wa. An lo tan en san tamolpein

dulon ak ηai Bai san geig a. Dal an lo Urgan in ηaisag kagin itaot an fidian ikubiai pidinaip, dulon uyanan a. ¹¹ Tan en san tamolpein sad ilo sou lo dubol, Anut ηai bitinaek lo iginiag pe ifunag ηamat ak ago dubol da. Ak man an ta rumok na yan Urgan ikubiai dile wa. Anut ηai bitinaek lo ta iginiag na wa, tia, ηaisag materη lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

¹² “ηai ru wei mi amag da ya, ak man an ilom itau dak ninen o, gamu ηurupaian pe alon san tia ya. ¹³ Gug murnap Urgan ru rumok ak san ipalu dop man, kagin rumok ak mi fidian ikubiai panan a. In sen ilon nam ru ta ibol na wa. Tia, Anut ibol go ilon an mi irupaian pe alon a. Mel murnap ilasa san dam ibol ilasa dop alon a. ¹⁴ In ηai yanag yabisa wa, man dugo, in ηaisag mel inane dan anjam na ibol ilasa dop alon a. ¹⁵ Bai san mel fidian an dam ηaisag a. Man ninen o ηai imug ηurupaian, Urgan mi ηaisag mel an inanep ibol dop alon a.”

Muruan ibilisap, ilo uyan ilasa wa

¹⁶ “Saen katukan an ηai ta aliag na wa. Agop fon saen katukan mi gup, ηai aliag da wa.” ¹⁷ Insan megeloum aenta in sed mi dininen go igo dubol, “Ru e ‘saen katukan an ηai ta aliag na wa, agop fon saen katukan mi gup, ηai aliag da wan’ fun dugo yak i?” ¹⁸ In sed nug dusumiani on go igo dubol, “‘saen katukan’, ru en fun talon uyan san tia ya.”

¹⁹ Jesus ilon ak, in ru an ninen o dusumiani wo ilod ibol dan, ninen o irupudaig ibol, “An nag ηai ru a ηabol an ninen o ilom weiwei di? ²⁰ Rumok geig, an ηurupaian da, mitep an tinaη aru agane

wa. Gup tamolpein tan en san man in̄ uya susai digane wa. Rumok, aṅ ilo muruan tubun kasik da amado da, ak man aṅsam ilo muruan an ibilisap ilo uyan ipanaṅ dop, uyam isusa wa. ²¹ Pein in̄ nanuk igansi wo tinin lo ikubiani dop, in̄ ilon muruan tubun kasik aman da imado da. Agop nanuk igansip uyan dop, in̄san madai an niṅen o ilon ta isou na wa. Man dugo, nanuk tan en lo ilasa yak niṅen o ilon isou dop, uyan isusa geig a. ²² Nek ago mi, gamu aṅ ilom muruan da. Gug ṅai fon ṅamul ṅupalup aliag dop, afon ilom uyan da wa. Ta aṅsam uyasusai an ipasip isini yau san tia ya. ²³ Nal an lo dop, aṅ fon ṅai mel ta wo asumianag san man tia wa. ṅai rumok ṅurupaiaṅ da, aṅ mel ta niṅen o ṅai yaṅag lo Bai asumiani dop, man in̄ ka ipanaṅ a. ²⁴ Gug aṅ gubak mi ipalug gamu en dam aṅ mel ta wo ṅai yaṅag lo Bai asumiani man tia ya. Gamu gup aṅ ṅai yaṅag lo asumiani wa. Ago agane dop man, in̄ mel an ka ipanaṅ a. An lo aṅ ilom uyanan pe, uyasusai lo mi amado wa.”

Jesus tan en san dabai yabi idu ya

²⁵ “ṅai ru faṅan mi ṅabol dugo alon̄ na ya. Gug murna dop man, fon ta ṅimianip ṅurupaiaṅ na wa. Tia, ṅai Bai niṅen o kuai te ṅabol dop alon̄ a. ²⁶ Ago dop nal an lo, ṅai yaṅag lo Bai asumiani wa. Aṅanem awam aban an aṅ niṅemi wo Bai ṅusumiani wa, ago ṅai ta ṅurupaiaṅ na da. ²⁷ Tia, Bai in̄sen aṅ niṅemi wo imat da. Amaiak niṅen o in̄sen aṅ awam ilon̄ a. Man dugo, aṅ ṅai o amat go Bai san na ṅumadog ṅupalu yan, ilom lo rumok a. ²⁸ Gubak mi ṅai Bai da sisem mumado ya. Gug ṅai in̄ ṅubuseig,

tan na n̄adu ya. Gamu fon tan en n̄ubuseip, Bai san na n̄amul n̄usuda n̄au a.”

²⁹ Agog in̄anen megeloum igo dubol, “Gamu en oŋ ru faŋan ta ubol na da, tia, kuai te mi ubol ilasa da. ³⁰ Gamu en maŋ malon̄ fufei ak, oŋ mel fidian ulon̄ pasik a. An nin̄en o ta in̄ oŋ isumiano wo mala igane san tia ya. An lo oŋ Anut san nag palu yan maŋ iloma lo rumok a.”

³¹ Jesus awad yabig ibol, “Gamu en aŋ ilom rumok geig ak abol di? ³² Alon̄ ak, nal ta sumeik la ya, nal an lo aŋ fidian abisawag pe, aŋsiganem na afufurak au dop n̄aiseg kisaek n̄umado wa. Gug n̄aiseg kisaek tia ya, tia, Bai in̄ n̄ai da mumado da. ³³ Aŋ n̄ai lo amado dop, n̄aisag ilo maror aŋ da amado san nin̄en o ru an n̄urupaian̄ a. Tan en san tamolpein aŋ muruan dupanan̄ ak gug, aŋ ta arut arer na wa. Tia, aŋ ilom abisa, man dugo, n̄ai yu n̄igane itout go, an lo tan en san tamolpein fidian sad dabai n̄abi idu la ya.”

17

Jesus in̄sen nin̄en o Bai igudani a

¹ Jesus ru an ibol itout dugo malan lak na isidag, ibol, “Bai, n̄aisag nal idu la ya. Oŋ nanu yan̄ak tubun ak panip, in̄anen bunun kuai te gane ilasa wa, an lo Nanu dam oŋ yan̄ak tubun ak ipanop, oŋane bunu kuai te igane ilasa wa. ² Man dugo, n̄ai dabai panag la yen ate tamolpein fidian n̄ai tuog paen na dumado wa. Tamolpein a oŋ n̄ai panag an, in̄ kumaen pempem yen yau san n̄upidinai a. ³ Kumaen pempem yen yau san man nek en. In̄ oŋ Anut kisaek o lian dulon̄ a, agod in̄ n̄ai Jesus

Kristus on dinag go nupalu yan dam dulong a. ⁴ Nai urat fidian on panag go nigane wo ubol en nigane itout a. An lo on yana tan en lo nabisa ya. ⁵ O Bai, wagam on tan ta gane na dugo, on nai da girager ilalan aman an lo tumado ya. Nai onsa na namul nupalu gup, girager an fon panag da wa.

Jesus megeloum ninedi wo igudani

⁶ “Nai onsa fu mok, tamolpein a tan en lo sikatai go nai panag en nukubiaig dile ya. In onsa la ya, an ninen o nai panag a. Agog onsa ru an dam kagin dupani da. ⁷ Gamu in dulong uyanan ak, mel fidian on nai panag an onsa na ipalu ya. ⁸ Ru fidian nai panag an in nupidinaig, dinane ya. An lo in dulong fufei mok, nai onsa nag nupalu ya, ago dugo on nai dinag go nupalu yan dam ilod lo rumok a. ⁹ Tamolpein nek an ninedi wo gadin nigane da. Tan en san tamolpein fidian ninedi wo ta nusumiano na da. Tia, tamolpein ensauta a on nai panag an mi ninedi wo numosiai da. Man dugo, in onane mok a. ¹⁰ Tamolpein a fidian naisag man onsa ya, agod onsa man naisag a. In lo nai yanak tubun ak ninane ya. ¹¹ Nai tan en nibiseip, onsa na nupalu wo da. Gug in ete tan na dumado wa. O Bai, on gun ak, onane yana dabai, nek nai panag en, an lo idaned tamolpein kaginad gane dop, in kisaek mi dumado wa, nek nai on da tumado dak ago mi a. ¹² Saen nai dida mumado se man, onsa dabai panag an lo mi kaginad nigane na ya. Dumui igo won nai in nibalgirana na yan lo, ta kisaek ideg yau man tia ya. Gug tamol a pitinnek san in mi ideg yau a. In ru ta onane buk lo yen dan nunon ilasa wo ideg yau a.

13 “Gamu ηai oηsa na ηupalu wo da. ηai tan na ηumado dugo, ru en fidian ηabol duloη dop, ηaisag uyasusai iη ilod anuai a. 14 ηai oηane ru ηupidinaig diηane ya. Ago dugo tan en san tamolpein iη lo siai digane da. Man dugo, iη tan en san tia ya, nek ibol ηai dam tan en san tia ago mi a. 15 ηai iη tan en lo pasai diau o ta ηusumiano na da. Tia, ago dumado wa. Gug ηai igo ηugudano da, saen iη ente dumado dop oη bargiranai a. An lo Satan ipalu dop man, daoη ipidinai san tia wa. 16 ηai tan en san tia ya, nek ago mi, iη dam tan en san tia ya. 17 Oηsa ru mi ru rumok. Oηsa ru lo diraip gun dilasa. 18 Nek ibol oη ηai dinag go tan en lo ηilasa yan ago mi, ηai dam iη ηidiraig tan en san tamolpein luluηad lo diau a. 19 ηai iη ηibinawai o seg tinig ηipiranig, an lo gun ηumado dop oηane ilobol mi ηiri wa. Agop iη dam gun dilasap, sed tinid dipirani dop oηane ilobol diri mok a.

Jesus ilo rumok adi aenta niηedi wo igudani a

20 “ηai megeloum en niηedi wo mi ta ηugudano na da. Tia, mitep ηidinaip, ηaisag ru dufulalep tamolpein aenta duloη pe, ilod lo ηai o rumok a. Tamolpein an niηedi wo dam ηugudano da. 21 ηai ilog man, iη fidian ilod kisaek mi dumado wa. Oη ηai lo mado dak, agod ηai dam oη lo ηumado da, nek ago mi iη dam id da sisem tumado wo ηugudano da. Ago tap, tamolpein tan en san oη ηai dinag go ηupalu yan ilod lo rumok a. 22 Oηsa yaηa dabai da ηai panag an iη ηupidinai la ya. Agop iη ilod kisaek dumado wak, nek ibol oη ηai da tumado dak ago mi iη dam dumado wa. 23 ηai iη lo ηumado dop, oη ηai lo mado wa. An lo nek ibol id ilod kisaek

mi ak igo won, in dam ilod kisaek mok o n̄amat da. Agop tamolpein tan en san on̄ n̄ai dinag go n̄upalu yan dulon̄ a. Ago dop on̄ n̄aisag tamolpein nin̄edi wo umat dan, n̄ai o umat dak ago mi gane yan, an dam tan en san tamolpein dulon̄ a.

²⁴ “O Bai, n̄ai ilog man igo ya, aben a ante n̄ai n̄umado wan, ante dam tamolpein a on̄ murnap panag an n̄ai dida mumado wa. Ago dop ante in̄ n̄aineg girager dam dile wo n̄usumiano da. Tan en tia lo on̄ n̄ai o umat go girager en panag a. Girager an in̄ fidian dile wo ilog tubun mi ibol da.

²⁵ “O Bai, on̄ itaota mok, gidad tan en san tamolpein on̄ dulon̄ man tia ya, ago gug n̄ai on̄ n̄alon̄ a. Ago dugo n̄aisag adi on̄ n̄ai dinag go n̄upalu yan dulon̄ a. ²⁶ N̄ai on̄ane fu kuai te in̄ lo n̄igane ilasa la yan, nek ago mi n̄igane yau on̄ a. An lo dop on̄sa ilo panek n̄ai panag an in̄ bubed lo dirip yen a, agod n̄ai dam in̄ lo n̄umado wa.”

18

Ager adi Jesus diabi a

Mat 26:47-56; Mak 14:43-50; Luk 22:47-53

¹ Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

² Aria, Judas, palan̄ niganag tamol an, in̄ sasau ante dumado se yan ilon̄ a. Man dugo, Jesus in̄anen megeloum dida pempem sasau an ate dutumani da. ³ Judas imug mi pris gurman adi agod Farisi adi sad na yaug, tempel titianek aenkadi agod yu tamol adi dam in̄al o yau a. Agog in̄ malan imug dugo fidian n̄ien aban dirig yu, dumui, agod sul

ago duburoug dida diau a. Agog aben a ate Jesus inanen megeloum dida dumado dan te dilasa ya.

⁴ Jesus mel fidian in lo ilasa wo dan ilon an lo, naod na isuk sinired na ilag irupudai, “An enti abanjan abi di?”

⁵ In dubol, “Man Jesus, Nasaret tamol amaiak abanjan mabi da.”

Agog Jesus ibol, “Nai nek ebe.”

Judas in ager adi Jesus ikubiai pidinai an dida ditur a. ⁶ Saen Jesus “nai nek ebe” ago ibol an, in dusuk dumul go tan na diau dudu ya.

⁷ Agog Jesus fon isumianai, “An enti abanjan abi dak i?”

In ru naon durupei, “Jesus, Nasaret tamol ama ya.”

⁸ Agog Jesus irupudai, “Nai nurupaian la ya, nai nek ebo. Nai abanjan abi wo tap, naineg megeloum en abisawaip diau.” ⁹ Ru gubak mi ago ibol, “Tamolpein a on nai panag an lulunad lo talpein kisaek ideg yau man tia ya.” Aria, gamu ru an nunon kuai te ilasa ya.

¹⁰ Agog Saimon Pita aban ago ileg, tinjaen saian go sabiri igursig, pris malan te yan san urat pinein ifunig, kududon won ak isubari idu ya. Pinein an yanjan Malkus. ¹¹ Gug Jesus ru dabai nam Pita irupei, “Onane sabiri aben lo usoudu. Ak dugo, nai gab lo naluk o Bai ipanag en lo naluk san tia ubol di?”

Jesus diabig pris malan te yanjan Anas an san na diau a

¹² Agog yu tamol adi, insad gurman, tempel san titianek dida Jesus diabig, rasau nam dusubanig,

¹³ dida Anas san na diau a. Anas man Kaiafas

nitej. Kaiafas in anajar en san pris malan te yak imado ya. ¹⁴ Kaiafas in sen in juda adi ago ibol irupudai la ya, “Gidad, tamol kisaek an mi imat dop, an lo tamolpein fidian muruan dinane san tia ya, ago man uyanan a.”

Pita in Jesus ta ilon na ibol a

Mat 26:69-70; Mak 14:66-68; Luk 22:55-57

¹⁵ Jesus dinaneg diau dugo Saimon Pita in Jesus san megeloum taida Jesus patun fo diau a. Pris malan te yan megeloum an nug dulon ak ninen o megeloum an Jesus ida sisem ar ilon lo diladu ya. ¹⁶ Gug Pita in kitek asau mi ar awan te itur dugo malan igane se ya. Ago dugo megeloum a pris gurman ilon uyan an imul go ar awan te yaug, ar awan titianek pein an irupeip Saimon Pita inane iladu wo ago isumiani a. Ago tag pein an yaug Pita idinig, ar ilon lo iladu ya. ¹⁷ Ago gug pein an Pita irupeip, “On man dag tamol emaiak san megeloum ta i?”

Ago dugo Pita ibol, “Nai man tia ya.”

¹⁸ Aban madid tubun tinan ak ninen o pris malan te yak san urat pinein adi in tempel titianek adi dida, yai dutuni ak san midiger an tinid isue dugo, Pita dam yai an fun na tinin isue dugo dida dumado se ya.

Pris malan te yan Jesus isumiani a

Mat 26:59-66; Mak 14:55-64; Luk 22:66-71

¹⁹ Ago dugo pris malan te yan Jesus san megeloum ninedi wo isumiani dugo, ru pitenanek tamolpein ipidinai na yan dam ninen o isumiani se ya. ²⁰ Agog Jesus ru naon igo ibol, “Nai ru fidian tamolpein kuai te mi nurupidaig dulon na ya. Nal

wei mi Juda sad tumanek aben lo, tempel lo dam, ante manau n̄piterjanai se ya. Ru ta mianuk lo n̄abol man tia ya. ²¹ Fun an niñen o ata wo n̄ai sumianag dak i? Tamolpein ensauta a n̄ai awag duloñ an sumianai gup, n̄ai awag aban dubol dugup uloñ a.”

²² Jesus ago ibol dugo, tempel titianek ta giran̄en na itur an Jesus kudan̄an igufuteg ipei, “Dugo, oñ pris gurman malan te yan ru naon ago rupei an uyan ak i?” ²³ Jesus awan yabig ibol, “Dugo, n̄ai ru saian n̄abol ak i? Ago tap, tamolpein en fidian rupidaip duloñ. Gug n̄ai ru rumok ak mi n̄urupei ak man, ata wo oñ n̄ai funag ak i?” ²⁴ Agog Jesus banin dusubanig, diñaneg pris malan te yak neinta, Kaiafas dubol dan san na diau a.

Pita fon Jesus ta iloñ na yak ago ibol a

Mat 26:71-75; Mak 14:69-72; Luk 22:58-62

²⁵ Saimon Pita yai tinin isued itur dugo, talpein ta dusumiani, “Oñ dam tamol emaiak san megeloum ta boi i?” Pita itot go igo ibol, “N̄ai man tia ya.” ²⁶ Pris malan te yak san urat pinein ta in̄anen turan Pita kududon isubari an imasag, Pita irupei, “Dugo, oñ nek emaiak in̄ da ai oliv abi lo amado dugo n̄ilian̄ ak i?” ²⁷ Agog Pita fon itot an, kurek ibob kisaek oñ.

Jesus diñaneg, Pailat san na diau a

Mat 27:1-2,11-14; Mak 15:1-5; Luk 23:1-5

²⁸ Tidom lom mikinik anda Jesus diñaneg Kaiafas san ab dubuseig, dida gabman gurman malan te yak, yan̄an Pailat dubol dan, in̄san gabman san ab lo diau a. Pailat man in̄ Juda tia, in̄ Rom tamol. An niñen o Juda adi ago dubol,

“Kabelan inſan ab lo tisidap mel ta tabi dop, Anut malan lo sed nun ipanad pe, an lo idsad tumanek Pasova en lo anañ tani san tia banau.” ²⁹ Ago tag in ab patun fo dutur dugo, Pailat kuai fo ilasag, isumianai, “An ata wo tamol an ru lo agane di?”

³⁰ Agog in ru naon igo dubol, “Tamol en kulob saian ak ta, ta igane na yak man, mañ oñsa na miñane mupalu san tia ya.”

³¹ Agog Pailat irupudaig ibol, “An añane aup, añsiganem kubiaen lo asumianip ale.”

Gug Juda adi in durupeï, “Añsam kubiaen lo man, mañ tamol mafu dumat san niñen o geg apanama da.” ³² Mel e ilasa yen, wagam Jesus inſen dal dugo woñ lo imat ak niñen o ibol an, gamu nuñon kuai te ilasa ya.

³³ Aria, Pailat fon inſan ab lo iladug, Jesus iwagig isumiani, “Ak dugo, oñ Juda sad kiñ ak i?”

³⁴ Agog Jesus ru naon irupeig ibol, “An dag oñsigane ilo sou lo ubol di? Tia, tamol ta ibol ulon go ate ubol di?”

³⁵ Pailat awan yabig ibol, “Oñ ñai Juda ubol di? Oñsigane warou adi in pris gurman adi dida dibiog, ñai banig lo diginio ya. Oñ muruan naon dugo gane yak i?”

³⁶ Jesus ru naon irupeï, “Rumok, ñai kiñ ñumado da, ago gug ñai tan en san tia ya. Ñai tan en san kiñ dop man, gamu ñaisag turag muroug dumasap, ager diganep, Juda adi ñai dibiag san tia wa.”

³⁷ Ago tag Pailat irupeï, “Dugo, oñse oñ kiñ ta ago ubol di?”

Jesus ru naon irupeï, “Oñse nek a ubol da. Ñai kiñ ta, ñai tan en lo ru rumok ak ñabol ilasa wo

ņupalu ya. An lo ta in ru rumok san man, in ņaisag ru ilon dop ru an iganuri wa.”

Pailat Jesus aigim fo dubali wo ibol a

Mat 27:15-31; Mak 15:6-20; Luk 23:13-25

³⁸ Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “ņai in lo saian ta ņile man tia ya, an lo an ru apani san man fun an tia ya.

³⁹ Gug Pasova tumanek san nal lo, anņiganem kagin anaņar kisaek lo agane dan, tamol kisaek subanek lo ņupasip ņupanaņ a. Ago yak niņen o an Juda sam kiņ en ņupasip ņupanaņ o abol di?”

⁴⁰ In fon disasaig igo duwagiņ, “In tia ya, gidad Barabas mi pasi panama!” Barabas in ager san tamol, imug Juda adi aenta Rom gabman diabi idu wo yu diabisa ya, ago dugo in lulunad lo Barabas imado ya.

19

¹ Ago man Pailat ibol dugo, inņsan yu tamol adi Jesus diņaneg lubum nam dufuni a. ² Yu tamol adi mel bukorkor igo dudurun anda yak ditiladeg, kabuņan fo disisi idu dugo, yamel daran ak nam tinin dubuluwi a. ³ Agog Jesus sinjiren na diau dumul dugo, kukokan diganeg naon dufuteg dupeig dubol, “Per o, Juda sad kiņ!” In ago dubol dugo in naon dufuni se ya.

⁴ Ago gug Pailat fon naod na kuai te ilasag, ibol irupudai, “Ale, ņai inņsan saian ta lo muruan isini san ņile man tia geig a. An niņen o naom na kuai te ņigane ilasa da.” ⁵ Jesus gumuran fo kam dudurun anda gubak mi ditilade yan disisi idug,

yamel daran ak tinin fufo yen dugo, kuai te ilasa ya. Agog Pailat ibol, “Ale, tamol en nek ebo ya!”

⁶ Ago gug pris gurman adi in tempel san titianek adi da Jesus dileg duwagin go dubol, “Aigim fo abali mok abali!”

Gug Pailat ru naon irupidai, “Nai in lo saian ta nile man tia geig a. Ago yak ninen o ansem anjane aup, aigim fo abali.”

⁷ Ago tag Juda adi igo dubol, “Manjsama kubiaen ta yen dan lo man, in imat mok a. Man dugo, in Anut Nanun mok ago ibol a.”

⁸ Pailat ru ago ilon go, ilon tubun mi irer se ya. ⁹ Ago tag Pailat in fon Jesus ida ab lo diladug isumiani, “On sauta mok a? Onse fu ubol pe nalon.” Gug Jesus ru naon ta irupej man tia ya. ¹⁰ Agog Pailat ibol, “On ata wo naj awag ta wabi na dak i? Ulon, naj dabai ag da ya. Nupaso wo nabol tap, nupaso wa. Tia, aigim fo nie bani nubali wo nabol tap, nubali wa. On naisag fug ta ulon na yak i?”

¹¹ Jesus ru naon igo ibol, “Anut dabai ipanog lo on ka naj bilag ndadu san. Tia dop, on mel ta saian ak giniag san dabai ama tia ya. Fun amaiak ninen o, tamol a naj on tuo lo iginiag an, insan aupasek onsa aupasek en irinani a.”

¹² Pailat ru an ago ilon tag, irut irer saian geig go, Jesus ipasi wo dal an aban yabi se ya. Gug Juda adi disasai duwagin dugo dubol, “On tamol en pasip yau tap man, on Kaisa turan tia geig a. Tamol ta insen kin ak ibol dan man, Kaisa naon dal ifou da.”

¹³ Pailat sisein tubun mi ago ilon tag, iladug, Jesus kuai te iganeg ilasa. In ru tulek tamol* san badim

* **19:13:** Jas

fo imasi a. Aben an yaŋan Pat Aten dubol da, Hibru ru lo Gabata dubol da. ¹⁴ Gamu man tumanek tubun san anaŋ kubunek nal idu wo da.

Ad titiŋaem mi dugo Pailat Juda adi igo ibol irupidai, “Ale, aŋanem kiŋ nek ebo ya!”

¹⁵ Gug Juda adi igo dubol duwagiŋ, “Ganep ideg yau! Ganep ideg yau! Aigim fo bali!”

Ago tag Pailat isumianai, “Aŋ ŋai aŋanem kiŋ aigim fo ŋibali wo abol di?”

Agog pris gurman adi ru naon igo dubol, “Maŋ kiŋ taida man tia geig a. Kaisa sen kisaek o lian mi a!” ¹⁶ Pailat ru ago iloŋ tag, Jesus aigim fo dubali wo ipidinai a.

Jesus aigim fo dubali a

Mat 27:32-44; Mak 15:21-32; Luk 23:26-43

¹⁷ Agog Pailat san yu gurman adi Jesus diŋaneg, iŋsinanen aigim isinig, dida Jerusalem dibiseig di-aug, aen ate tan biŋaboŋ ta, yaŋan “kabuŋan kapen san aben” dubol dan ate dilasa. Hibru ru lo yaŋan Golgota dubol da. ¹⁸ Aben ante Jesus aigim fo dubali a. Nal an lo tamol uraru an dam iŋ Jesus ida sisem dubalai a. Uraru an giranen ananaem dubalai idu dugo, Jesus iŋ titiŋae mi dubali a.

¹⁹ Aria, Pailat ai lapan fo girek ta ago ibol igire, “Jesus Nasaret tamol, iŋ Juda sad kiŋ.” Girek an aigim gumuran fo dubali a. ²⁰ Iŋ Hibru, Latin, Grik ru lo igire ya. Aben a Jesus ate dubali an man Jerusalem giranen na ya, an niŋen o Juda wei mi girek an dusuti se ya. ²¹ Man niŋen o Juda sad pris gurmadi Pailat igo durupei, “Oŋ Juda sad kiŋ ago ubol gire umoi. Tia, ‘tamol en iŋsen ŋai Juda sad kiŋ ibol’ ago mi gire.” ²² Gug Pailat ru naon igo

ibol, “Mel ηai ηgire yan ηai ηgire ya. Nek ago mi yen a.”

²³ Yu tamol Jesus aigim fo dubali la gug, tinin fufo inanen yamel kulos an digalai idug, anen anen duburoug malan iwoiwo didiri a. Kulos ta fidian mi, awan ta duwei na ya, ²⁴ an ninen o ago dubol, “Id en ta tisire na wa. Tia, en yen dop, id ate satu takok dop, ta in isinani tap inane wa.” Yu tamol kulob a digane yan gubak mi ru girek lo yen amaiak nunon digane ilasa ya. Girek ago ibol, “In ηaisag kulos duwaeg disini gug,

kulos ta awan fidian man ate satu dukok a.”
An lo yu tamol adi ago digane ya.

²⁵ Jesus tinan, inanen tein, Maria Klopas iwon, Maria Magdala san pein, pein iwoiwo yan in Jesus san aigim fun na sumeik mi dutur a. ²⁶ Aria, Jesus tinan ile, megeloum a in o imat dan tinan da sisem dutur dugo yil tag, tinan irupe, “Nei, onane nanuk ule!” ²⁷ Agog fon megeloum an irupe, “Ule, an onane tina.” Ago tag nek nal antem megeloum an tinan Maria inane ida sen nuab lo diaug, kaginan igane se ya.

Jesus imat a

Mat 27:45-56; Mak 15:33-41; Luk 23:44-49

²⁸ Aria, Jesus in san urat fidian igane itout an ilon go, Anut anen ru girek ta wagam yen an nunon ilasa wo igo ibol, “ηai you o ηamat da.” ²⁹ You kapen ta wain gigen aman da yak lo yen a. Ago tag mel ta beig san titalin ago yak dinane, wain gigen an lo disominig, ai ate dufoug, duwate isidag, Jesus awan lo digane, isupupi. ³⁰ In an

itunjali gug igo ibol, “Itout a.” Ago ibol go gumuran imagor paon fo idu dugo n̄tun ibiseig ilasa ya.

³¹ Nal a Jesus imat o man, soubul dukubune san melmel digane se ya. Sabat nal idu wo sumeik dan in̄ nal tubun mok a. Ago tag Juda adi tamol utol an susanudi aigim fo dien san dumoi. Man nin̄en o diaug, Pailat igo dusumiani, “On̄ ubol pe yu tamol aenta dinaip, n̄ied dubalsisinip, ririan dumat dop, susanudi ka dupasai idu wa.” ³² In̄ awok ibol tag, diaug, tamol uraru Jesus giran̄en na dubalai an mi n̄ied dubalsisinig dumat a. ³³ Ago gug Jesus dile yak man, in̄ imat la yan nin̄en o dumoig, n̄ien ta dubalsisini na ya. ³⁴ Gug yu tamol kisaek yu in̄aneg, yaug, isou isidag, Jesus giran̄en isowae dugo, you dar da sisem dudu kisaek on̄ a. ³⁵ Talpein enti, in̄san leil lo melmel e ilasa yen fidian nin̄edi wo kuai te ibol ilasa yen, in̄san ru an rumok geig a. In̄ ru rumok mi in̄in̄en̄ da, ago dugo in̄ ru rumok ak mi in̄in̄en̄ dan ilon̄ da. Ru e igire den, an̄ Jesus o ilom lo rumok san nin̄en o igire da. ³⁶ Mel e gamu ilasa den man wagam Anut girek lo ibol ak ago mi nun̄on igane ya. Ru an igo ya, “In̄san tatu ta kisaek dubalsini man tia ya.” ³⁷ Agod ru taidam igo ya, “Tamol a yu nam disowae an leil dupani wa.”

*Jesus san sisanun pat gubaran lo digane a
Mat 27:57-61; Mak 15:42-47; Luk 23:50-56*

³⁸ Gurai idu dugo Josef, Arimatea panu san tamol an Pailat san na yaug, Jesus san sisanun in̄ane wo isumiani. Josef dam in̄ Jesus ilon lo rumok a. Ak man Juda nin̄edi wo irer an nin̄en o ilon lo mi imianuk on̄ itor se ya. Pailat awok ibol tag, Josef

imul yaug sisanun an inane ya. ³⁹ Nikodemus, in wagam tidom ta lo Jesus san na yau amaiak, gamu gurenj mumalun uyanan ak isinig ipalu ya. An san muruan kitek 30 kilogrem igo wonj a. ⁴⁰ Juda sad kagin lo Jesus tinin gurenj nam diamisig, yamel dam gurenj diabig, ate sisanun dubuluwig, du-foug, disare wo disini diau a. ⁴¹ Aben a Jesus aigim fo dubali an, giranjen na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya. ⁴² Nal an Juda adi sad tumanek tubun ak melmel dukubune san nal sumeik a. An ninjen o tamol uraru an Jesus sisanun aben ante digane ya, man dugo, mutou an sumeikan yen a.

20

Jesus fon kumaen imasa da ya

Mat 28:1-8; Mak 16:1-8; Luk 24:1-12

¹ Sabat nal* itout go urat nal malan te an lo† Maria, Magdala pein an abanj mikinik anda mutou fun na yau. In yaug pat gib awan ate dubalfutani an, itubuluk gigin na yaug yen dugo ile ya. ² Ago tag in imaspalug, megeloum uraru, ta Saimon Pita, ta a Jesus ninjen o imat an, sad na yaug irupudai, “Idsad Tubun en dirjaneg diau a. Dugon te digane man manj ta malonj na ya, mutou an kawan yen da.”

³ Ago tag Pita in megeloum an da aben an dubu-seig, dumaspalug, mutou fun na diau a. ⁴ Uraru an sisem dumaspalug, diau ak gug, megeloum an in Pita naon yabi irinjanig, in inug mutou fun na

* **20:1:** Sarere † **20:1:** Sande

ilasag, ⁵ gib lo iyep ak man yamel kilaken linen nam diwei an mi yen dugo ile ya. Gug in mutou ilon lo ta iladu na ya. ⁶ Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya. ⁷ Ago dugo yamel milaen ate kabunan dutuani an dam kitek asau mi yen dugo ile ya. Yamel an dulumu ak sen kisaek yen dugo, linen kilaken man kitek asau mi yen dugo ile ya. ⁸ Agog megeloum a imug yang ilasa yan, in dam pat gubaran ilon lo iladug, aban nek ago mi ileg, ilon lo rumok a. ⁹ Nal an lo man insinan megeloum Jesus maten lo imasa san ru Anut san buk lo yen an gamugo dulon a.

*Jesus Maria Magdala pein an naon na ilasa ya
Mat 28:9-10; Mak 16:9-11*

¹⁰ Agog megeloum uraru an dumul go aben dumado dan ante diau a. ¹¹ Maria fon imul go mutou awan te itatad itur gug, itakoksig gib lo iyep go, ¹² enel uraru kulos milkouk geig ak amad da sisanun yen ak aben na dumado dugo yil. Neinta njen na imado dugo, neinta gumuran na imado dugo ile.

¹³ Uraru en Maria durupei, “Nei, on ata wo tata di?”

In irupidaig ibol, “Naisag Tubun en digam go dugon te digane yak man nai ta nalon na ya.” ¹⁴ In ago ibol go idansa man, Jesus itur dugo ile. Gug in Jesus sen itur dan ta ilon na ya.

¹⁵ Jesus irupei, “Nei, on ata wo tata di? Enti abanan wabi di?”

Maria ilon lo tamol en sasau an san titianek tamol ta ibol go isumiani, “Tubun en, oŋ ŋaneg dugon te sini wau an, rupaiaŋ pe, ŋaup ŋiŋane wa.”

¹⁶ Jesus awan yabig ibol, “Maria.”

Maria idanŋsag, Hibru ru lo iwagiŋ go ibol, “Rabboni!” (Ru an fun man: girek maŋau.)

¹⁷ Maria Jesus yabi wo igane dugo iŋ imoig ibol, “Oŋ ŋai biag umoi, man dugo, ŋai Bai san na gamugo ŋau da. Ak man oŋ waup, teig taog ŋai ago ŋabol ak ubol rupudai, ‘Ŋai lak na Bai san na ŋamul ŋau o da. Ŋaineg Tamag en anŋsam Tamami, ŋaineg Anut en, anŋ dam sam Anut, amaiak san na ŋamul ŋau o da.’ ”

¹⁸ Man niŋen o Maria Magdala pein an yaug, megeloum irupudai, “Tubun en ŋile la ya!” Agog Jesus san awan aban an dam irupudaig duloŋ a.

Jesus megeloum naod na ilasa ya

Mat 28:16-20; Mak 16:14-18; Luk 24:36-49

¹⁹ Nal nek a ubou guraian megeloum iŋ Juda niŋedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus lulunad lo ilasag, itur dugo igo ibol irupudai, “Anŋ maror am da amado wa.” ²⁰ Iŋ ago ibol dugo, banin giranen dam ikubiai pidinai a. Agog megeloum iŋaned Tubun en dile yak niŋen o uya-susai tubun mi digane ya.

²¹ Jesus fon irupudai, “Anŋ maror am da amado! Bai ŋai idinag go tan na ŋupalu ya, nek ago mi ŋai anŋ ŋidiranŋ pe, urat lo au a.” ²² Iŋ ago ibol dugo, ur iwi pidinaig, igo ibol, “Ŋai Urgun ŋupananŋ da. ²³ Anŋ tamolpein iŋaned aupasek apare idu dop man, Anut dam aupasek an ipare idu wa. Ak gug

an inaned aupasek ta apare idu na dop man, Anut dam ta ipare idu na wa.”

Tomas Jesus ile ya

²⁴ Aria, nal a Jesus megeloum sad na ipalu yan Tomas, in yan an neinta Didimas, in dida ta dumado na ya. ²⁵ Murna gug Tomas ipalu dugo megeloum aenta durupe, “Man Tubun en mile la ya.” Gug Tomas igo ibol irupudai, “Nai ilog lo ta rumok na ya. Naiseg banin bitaten nilep, banig yaup, giranen dam yu aben nusuep nile gup man, nai ilog lo rumok a.”

²⁶ Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, lulu ad lo itur go ibol, “An maror am da amado wa.” ²⁷ Agog in Tomas irupe, “Onane bani wate ipalup, banig aten wabi ule. Ago dop bani wate ipalup giraneg dam suep ule. On ilo uraru mado umoi. Ilo kisaek nai o mi ilo lo rumok a.”

²⁸ Ago man Tomas ru naon igo ibol, “On naineg Tubun en, naineg Anut mok a!”

²⁹ Agog Jesus irupe, “On nai liag an ninen o ilo lo rumok a. Gug ta in nai ta diliag na gug, nai o ilod lo rumok an, bar inaneg imado da.”

Girek en san fun

³⁰ Jesus in kulob girager aenta wei mi megeloum naod na igane idu se yan, girek en lo ta yen na da. ³¹ Ago gug girek e yen la yen an ale dop, an lo Jesus in Kristus, Anut Nanun, an mi an ilom lo rumok o ngire ya. Agop an in o ilom rumok an lo, in yan an lo kumaen pempem yen san anane wa.

21

Jesus megeloum 7 naod na ilasaya

¹ Kitek murnag Jesus fon inanen megeloum adi aenta naod na kuai isi dugo dile ya. Mel an igo ilasa ya. ² Jesus san megeloum aenta, sed naod na Galili distrik lo dumul diau a. In yanjadi en: Saimon Pita, Tomas, yanjan neinta Didimas, Nataniel in distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san lon ante dumado ya. ³ Lon na dumado dugo Pita irupidai, “Nai iy o nau wo da.” Ago tag aenta durupei, “Id sisem tau a.” In diaug, wog lo dusuda gug, tidom an lo iy ta kisaek dinane man tia geig a.

⁴ Salso idug ad isida wo itor dugo, megeloum adi wog lo urat digane se yan, tamol ta lon na itur dugo dile. Ago gug tamol an Jesus boi, an ta ilod isou na ya.

⁵ Agog Jesus igiai, “O turag muroug, an iy amam da i?”

In awan diabig dubol, “Man iy tia ya.”

⁶ In fon igiaig ibol, “An iy dob an wog giranen won ak lo abili idup, iy anane wa.” Ago tag in ibol ak atem ago digane ya. Agog dob an iy awan isag, muruan kasik, diraep isuda san tia ya.

⁷ Agog megeloum kisaek a Jesus ninen o imat dan, in Pita irupei, “An idsad Tubun ak insen.” Ago dugo Pita ru a “idsad Tubun ak” ago ilon tag, urat kulos igali idug yen an fon kulos uyan ak idirig, you lo isokalik idug, Jesus san na yau. ⁸ Gug megeloum aenta in wog lo dumado yan dufulanig, dob iy aman da yan diraeg lon na dupalu se ya. In

loŋ na asau mi dumado man tia ya, tia, inŋ kitek 100 mita igo ya. ⁹ Inŋ dupalug, loŋ na dusuda man, inŋ iy ananŋ bret da yai fo dien dugo dil a.

¹⁰ Agog Jesus irupudaig ibol, “Iy gamu anŋane yen ta igo asini apalu.” ¹¹ Ago tag Saimon Pita wog lo isudag, iy dob iraeg ibili loŋ na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya. ¹² Agog Jesus irupudai, “Apalup ananŋ ani.” Megeloum ta “onŋ enti?” ago ibol isumiani wak man ninŋen o direr a. Man dugo, inŋ fidian tamol an Jesus inŋsen an duloŋ uyan a. ¹³ Agog Jesus ipalug, ananŋ bret inŋaneg, iwaeg ipidinai dugo iy dam ago mi igane ya. ¹⁴ Aria, Jesus mutou lo imasag inŋanen megeloum dile man saen uraru ya, ago mi gamu en saen taidam fon loŋ na dile ya.

Jesus san sipsip Pita ifutuwai o ibol a

¹⁵ Dunuai itout gug Jesus Saimon Pita irupej, “Saimon, Jon nanun, onŋ ŋai ninŋeg o umat den, melmel aenta e ninŋedi wo umat den irinŋanai geig i?”

Agog Pita ibol, “Tubun en, onŋ ulonŋ ak, ŋai onŋ o ŋamat mok a.”

Agog Jesus ibol, “Onŋ ŋaineg sipsip nanudi futuwai panag.”

¹⁶ Agog Jesus fon ibol, “Saimon, Jon nanun, onŋ ŋai ninŋeg o umat mok di?”

Pita ibol, “Tubun en, onŋ ulonŋ ak, ŋai onŋ o ŋamat da.”

Agog Jesus fon ibol, “Onŋ ŋaineg sipsip kaginad gane.”

¹⁷ Agog Jesus fon irupeig ibol, “Saimon, Jon nannun, onj n̄ai nin̄eg o umat di?”

Pita Jesus isumiani utol ak nin̄en o ilon tubun mi muruan go igo irupei, “Tubun en, onj mel fidian ulonj pasi a, an lo onj ulonj uyan ak, n̄ai onj o n̄amat da.”

Agog Jesus irupei, “Onj n̄aineg sipsip futuwai. ¹⁸ N̄ai ru rumok n̄urupaio da. Imug onj utor na man, let on̄se lua te fou ya. Agop dugon te wau o ilo ibol an ante mi wau da. Ak man murnap onj tamol saiak gane gup, bani wate dop, tamol sen ak ta onj lua te let ifou panop, aben onj ate wau o ilo imoi an, ante diñilio wau a.” ¹⁹ Jesus ru a Pita irupei an man, murnap Pita dal dugo wonj lo imat pe Anut yan̄an yabisa san, ikubiai pani amaiak nin̄en o ibol a. Ru ibol itout go fon irupei, “Onj palup, n̄ieg aban uri wa!”

²⁰ Agog Pita idan̄sag, megeloum a Jesus nin̄en o imat dan, patun fo ipalu dugo ile. Megeloum nek emaiak gubak mi Pasova tumanek san anan̄ diani san nal lo, Jesus ida sisem dunuai dan, in̄ Jesus titiren fo isapek go isumianig ibol, “Tubun en, enti mok onj ager banid lo ibilo lasa wak i?” ²¹ Pita ile dugo Jesus irupei, “Tubun en, tamol en nin̄en o dugudo wak i?”

²² Jesus awan yabig irupei, “Isop in̄ imado yaup saen n̄ai fon n̄upalu wak ago ilog yen tap, an on̄sa mel ak i? Onj masap n̄ai ganurag a!” ²³ Ago tag ru an ifurak go megeloum fidian lo yaug, dulonj gug Jesus ru ibol an awan dusupaleg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. In̄ nek igo ibol, “Isop

inj imado yaup saen ηai fon ηupalu wak ago ilog yen tap, an onsa mel ak i?”

²⁴ Megeloum nek emaiak mel an fidian ile ilon go, gamu ru en igire da. Agod id talon uyan ak ru e igireg ifulale yen ru rumok a.

Ru wadan

²⁵ Aria, Jesus kulob aenta wei mi igane idu ya, ago gug fidian girek en lo tia ya. Man dugo, ηaisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d